

欽定石渠寶笈續編

蘭亭八柱帖 八卷

第一唐虞世南臨蘭亭帖

本幅麻紙本縱八寸橫二尺五分虞世南臨

蘭亭詩序

見其品 光清宮所藏

王羲之蘭亭詩序冊

末

有臣張金界奴上進七字

引首

御題行書

題蘭亭八柱冊

并序

自永和之脩楔觴詠初傳

迨貞觀之蒐珍鉤摹迭出惟定武馳聲籍甚而
開文聚訟紛如寢至翻刻失真亦復操觚求似
顧善本之難覩屢鼎無慮百千且好手之罕逢
名蹟或存什一緊諫議寫其篇帙波折又新洎
香光倣彼筆蹤杼機獨運余旣使舊卷之離而
重合因從幾暇再臨尋復惜原本之剝而不完
詔付文臣遍補於是四冊並教刻鵠然而一編
不外戲鴻繼披柳蹟於石渠兼集唐模於璧府

仍琬琰之咸列。俾甲乙以分。圖允為藝苑聯珠。
題曰蘭亭八柱。若承天之八山峻峙。極和布而
為埏埴盡卦之八體流形。奇偶比而依次分詠。
已舉其要。彙吟更括其全。 賺來自蕭翼。舉出
本元齡真已堂堂佚。榻猶字字馨。誰知聯後壁。
原賴弄前型。初公權書蘭亭詩。惟於戲鴻堂帖
見之。初不知其墨蹟已入內府。近
閱石渠寶笈書始知其卷久列名書上亭。石渠
寶笈乃張照等所校定。而其昌所臨柳卷即藏
照家。且戲鴻堂刻本亦照所深悉。乃柳卷無其
昌題識。及卷後黃伯思諸跋未經刻入。皆其中

之可疑者。照曾未一語 恰爾排八柱居然承一

亭擎天徒覺語特地示真形拳固得骨髓。謂褚

書猶闢運庭。謂柳見董其昌董臨傳聚散 董其昌

公權卷初藏張照家本屬全卷後以四言詩并

後序及五言詩析而為二蓋照身後為人竊取

也。及二卷先後入內府經比較知其故復令聯

綴成卷俾為完璧。名蹟流傳離而復合或默有

呵護之于補惜凋零戲鴻堂所刻柳詩漫志閱

者耶。殿以幾餘筆藝林嘉話聽 乾隆己亥

暮春之初御筆鈴寶三妙意寓清快乾隆

後隔水

御題

此卷經董其昌定為虞永興摹以其於褚法外
別有神韻也香光得之吳氏後雖以贈茅元儀
而在香光齋頭頗久故歸之畫禪室中 御題
鈴寶二乾隆

後幅

御題

搶毫快覩永興書林靜煙新改火餘何似山陰
王逸少崇山曲水暮春初坦腹東牀意欲仙
由來字必以人傳若從肥瘦論形似逐塊錐舟
我不然米家寶晉漏傳名學士風流儼若生
腕覆廓填都不管春風即景獨怡情於停蓄
處有波濤真比長安薛刻高甲乙何須誇博辨
幾多優孟效孫敖丁卯上巳觀因題鈴寶二
幾暇怡情得佳趣附前人題跋

淳熙五年十月朔。魏昌楊益同觀。篆書至難。必鈎勒而後填墨。篆鮮得形神。而全若必唐人妙筆始為無愧。如此弓者是也。外盛乃趙文解公所題。則其賞愛不言可知矣。翰林學士承旨金華宋濂謹題。洪武九年六月廿三日。

萬厯丁酉觀於真州吳山人孝甫所藏以此為甲觀。後七年甲辰上元日。吳用卿携至畫禪室。時余已篆刻此卷於鴻堂帖中。董其昌題。

天順甲申五月望後二日。王祐與徐尚賓同往崑山。聞于雪蓬舟中。

成化戊戌二月丙午。葉黨周同軌古中靜與予同觀于楊士傑之行澤樓。張弼記。

趙文敏得獨孤長老定武換帖作十三跋。宋時尤近之。諸公聚訟爭辨。只為一片石耳。

况唐人真跡墨本乎此表似永興所臨曾入
元文宗御府假令文錄見之又不當若何
欣賞也久藏余齋中今為止生所有可謂得
所歸矣戊午正月董其昌題
右軍墨妙盡于蘭亭一帖其真跡不傳矣見
其彷彿者尚能使人玩賞不置何怪乎當時
珍愛之耶吳人蔣山御鈐印一蔣氏子雲
萬歷戊戌除夕用卿從董太史索歸是馬同
觀者吳孝父治吳景伯國遜吳用卿廷楊不
棄明時焚香禮拜時在燕臺寓舍執筆者明
時也鈐印七用卿氏吳廷之印吳廷書印餘
清齋圖書印吳國遜印楊明時印不棄
定武佳刻世已希遺刻唐人手筆妙得神情
可稱嫡派者乎此卷古色黯澹中自然激射
淵珠匣劍光怪離奇前人所共賞識用卿宜
加十裝藏之金陵朱之蕃鈐印四聽默元介

宋之蕃印。杏花村酒人。

甲辰閏九月九日。王衡敬觀于春水船。鈐印

一。王衡之印。

戊午正月廿二。新安吳廷。京山王制。楊鼎熙

王應侯。同觀于董太史世春堂。

唐虞永興臨定武蘭亭自董元宰太史濟

至石民內子楊宛收藏。鈐印三。水中央。楊宛

私印。宛叔氏。

世。人。僅。見。諸。某。本。今。此。卷。為。虞。永。興。所。摹。

尤。是。希。有。無。上。之。觀。元。宰。割。贈。茅。止。生。永。不。

落。却。矣。陳。繼。儒。獲。觀。款。題。鈐。印。二。肩。公。繼。儒。

先。文。貞。輔。仁。廟。監。國。時。學。士。王。偁。進。唐。摹。本。

帖。審。旨。命。勒。石。大。本。堂。以。揭。本。賜。焉。子。家。藏。

此。帖。聲。人。典。型。遂。覺。未。遠。茲。復。觀。止。生。藏。永。

興。墨。所。謂。欲。窮。千。里。目。更。上。一。層。樓。也。楊

嘉。祚。敬。題。章。鈐。印。二。邦。隆。氏。楊。嘉。祚。印。

題籤

御筆 唐虞世南臨蘭亭帖內府珍玩 鈐寶二御賞

乾隆宸翰

蘭亭八柱第一水前隔 鈐寶一乾隆宸翰

唐虞永興臨禊帖蕉林寶藏 神品上上

鑑藏寶璽八通 古希天子五福五代堂古稀天子

寶壽八徵耄念之寶畫禪室研精因得趣契理
在忘言寓意于物用筆在心與暇鑒賞之寶內

府圖書研露乾隆御玩內府書畫之寶御賞
收傳印記御前之印紹興天歷之寶內府圖
書御府之寶楊明時不棄吳國遜印吳廷書
印吳廷之印用卿吳廷餘清齋圖書印楊明
叔圖書記口口口圖書印馮銓之印馮氏鹿
菴珍藏圖籍印張氏珍玩江村梁清標印蕉
林鑒定蒼巖子梁清標王立氏之章蕉林秘
玩蕉林王立氏圖書觀其大略安定蒼巖子

蕉林珍秘。勝陶口壽永口珍秘茅止生圖書印。餘不可辨。

謹按周必大平園集云。唐太宗始得脩禊。敕
搨本賜羣臣。而虞世南歐陽詢褚遂良各自
臨摹。辭是流傳人間。是卷董其昌定為虞摹。
由吳治歸吳廷。後歸其昌。以贈茅元儀。付其
妾楊窰掌之者也。張弼字汝弼。華亭人。成化
進士。官南海知府。蔣山卿字子雲。儀真人。正
德進士。官廣西叅政。楊不棄。名明時。餘清齋
帖中。多其手蹟。楊彝熙。陝西人。成化進士。官戶
部尚書。楊嘉祚。字邦隆。吉安人。官廣西
副使。所云先文貞。蓋士奇之後也。書史會要
稱其書法清古。與王寵相類。又按引首
詩并序。總題蘭亭八柱帖。恭裝入第一卷之首。

第二褚遂良摹蘭亭真跡一卷

〔本幅〕麻紙本。縱七寸八分。橫二尺七寸五分。

褚遂良臨蘭亭詩序。

見乾清宮所藏。御臨董其昌臨王羲之

蘭亭詩

序冊

御題行書。

褚摹蘭亭。曩見墨搨及陸繼善鈎本。今觀此卷。乃知米元章所評。轉摺豪鋌備盡之語。良為確當。御題。鈐寶一。乾隆宸翰。

前隔水

御題。

登善當時司檢校。韓馮摹本反無真。因知直道在千古。非以其書究以人。御題。鈐寶二。比德。

朗潤。附前人標題。

褚摹王羲之蘭亭帖。無名款。

後幅前人題跋。

永和九年暮春月。內史山陰幽興發。羣賢畢至。無足稱。叙引抽毫。紙奇北。愛之重。寫終不

如神助留為萬世法。廿八行。三十字。之字最多無一似。昭陵竟發不知歸。模寫典刑猶可秘。彥達記模不記諸要錄。班班紀名氏。後生有得苦求奇。尋購諸模驚一世。寄言好事但賞佳。俗說紛紛那有是。鈐印二。楚國朱芾。楚國朱姓。

天聖丙寅年正月二十五日重裝。鈐印一。忠孝之家。

才翁東濟所藏圖書。嘗盡覽焉。高平范仲淹題。

皇祐己丑四月。太原王堯臣觀。元祐戊辰二月。獲于才翁之子洎字及之。求

嚴記。鈐印一。楚國朱芾。

蘭池劉涇巨濟曾觀。

淮陰龔開。羅源王申。同觀于山村田舍。分玉山朱葵觀。鈐印一。南口朱葵。

餘杭羅應龍。括蒼楊戴觀。
錢唐白珽拜觀。鈐印一。湛淵子白珽。

南陽仇几。武林舒穆。平陽張翥。朱方吳霖。同
觀。鈐印一。仇几章。

大德甲辰三月庚午過仇伯壽許。出示古今
名跡。末後見此。不勝欣歎。吳郡張澤之敬書。

後四十載。是為至正丁亥。張雨重觀于開
元草樓。兩舊名澤之。鈐印一。張雨私印。

大德甲辰良月。蜀後學程嗣翁拜手敬觀于
金淵濟陽家塾。鈐印二。程嗣翁印。程氏公

明。
題蘭亭墨本卷。右蘭亭墨本一卷。說者以

為諸遂良所臨。用筆精熟。略不經意。然神氣
完。篆風韻溫雅。體格規矩。吐出逼真。誠非他
人所能到者。昔虞世南既沒。唐太宗嘗與
輿論書之歎。魏徵因薦遂良入為侍書。當時

購求右軍真跡甚富。真贋莫辨。遂良一一鑒別。如辨黑白。遂敘右軍精魄。故後世多其所臨。刻本今亦罕得。予意當時臨本必多。流傳至今耳。可為伯仲。是真足為稀世之珍也。併以及此。識者正之。遂良字登善。錢唐人。官至尚書右僕射。封河南縣公。云。右軍四明陳敬宗題。鈴印三。四明山人。敬宗。蔡酒。圖書。原蘭亭之始。拓本於隋之開皇間。唐文皇見拓本。求真跡。真迹乃出。命廷臣臨摹分賜。選偏真者。得歐陽本。刻真中禁。即宋世所謂定武者也。貞觀末。滿紙入昭陵。不可復覩。惟賴唐賢輩臨摹本。而諸書尤表表焉。自唐迄今。代有翻刻。聚訟之說。皆論定武與南宋諸拓本。非論墨蹟也。余所得諸臨此卷。筆力健勁。風神洒落。可稱神遊化境。不可思議者矣。昔在宋為太簡賞識。於天聖丙寅。蘇氏重裝。用

忠孝印鈐識之。又經范仲淹王堯臣劉涇輩賞觀。後歸朱氏。載其月日跋識。及考海岳書史。先詳授受之由。後辨長字。其中二筆相近。末後捺筆鈎迴。筆勢直至起處。懷字內折筆抹筆皆轉側偏而見鋒。堯字內斤字足字轉筆賊鋒隨之。於所筆處。賊毫直處其中。世之摸本。未嘗有也。在蘇氏才翁房題為褚模王羲之蘭亭帖。南宮鑒賞。信不誣矣。余性嗜古。自許有翰墨緣。雖不敢附才翁海岳之後。亦不同嗟弊呵息之儔。蓋有風雨興思鬼神通寤者。譬之探驪得珠。餘皆鱗爪也。昔山谷云。觀蘭亭要各存之以心。會其妙處耳。信為賞鑒家之格言也夫。己巳初冬重裝畢。遂書其後。蓋年下永譽令之氏。鈐印四式古堂。一往有深情。髮僧上振仙客。

唐太宗命褚河南臨摹。梁序分賜諸臣。進上

之外。必有省齋自臨別本。其進上惟恐不肖。則規規模仿法勝於意。自臨別本。則心關手。若意勝於法。余觀唐宋來臨摹者夥矣。未有若此卷臨寫之神妙者。信為心手俱化。得意之筆耳。冬至前八日。風日晴暖。窗明几淨。漫臨一過。便筆志之。仙客永譽。鈴印三。如圓。永譽。髮僧上振。

世傳右軍醉書秩序。如有神助。醒後更書數十百本。皆不類。奈何迄今無一傳者。或是說無稽耶。抑右軍自嫌不類。輒毀去耶。今觀褚臨此卷。直追山陰落筆之妙。雖不敢謂右軍醒後之書。亦烏敢謂非河南臨書得意筆也。

王年致數。隴蜀興思。曷能已。後五日。令之又識。鈴印四。引意。令之下。永譽章。一天好事。諸河南墨蹟。自足千古。別臨滿本耶。吉光片羽。世世寶之。十一月廿二日。雪霽筆。令之。鈴

印三。髮僧上振。下永譽。印。仙客。
作書不易。臨書尤難。臨蘭亭則尤難。臨晉書
之蘭亭則尤難。中難也。予性喜臨書。於褚臨
此卷尤寶愛之。間嘗公餘遣意。背臨數紙。較
之地本。似有活處。而印證此卷。不啻霄壤矣。
益信臨本下真蹟一等。蓋其天真具足。神氣
逼人。絕非優孟衣冠比也。臨之難。夫何惑。仙
客又題。善。分鈴印二。下永譽印。今之氏。
右褚臨蘭亭墨太。備極右軍家妙。仙客叔父
以一字一金易得之。雖式古堂什襲。開皇落
水臨模本。不可更僕定當以此第一。直如前
部既宣。衆音伏響也。自宋而元而明。代有
人賞識。且印記累累。若霽思東閣。若內府
書。若紹興。若幾暇珍貴。陰陽各一。則以本出
自內府也。若太簡。若忠孝之家。則原藏蘇氏
也。若滕中。則元直字貴。鑒之。若歌行後米芾

大小諸印。又別用楚國米芾印。則此卷未歸
元章與既歸時所題識也。他若秋壑。子固。桑
齋。孟頫。松雪。齊。諸印。不知凡幾。而項墨林家
印首尾尤多。意此本誠不以諸人增重。而諸
人重之。豈非有目者共覩耶。最得展玩。則名
集幅。幸甚。幸甚。時蕭然。速叟。蔡元。又同觀。已
已。一陽月姪嶧敬跋。鈴印二。巖。一字鹿偉。

題籤

御筆。褚遂良摹蘭亭真蹟。神品上。鈴寶二。御賞。

乾隆宸翰。

蘭亭八柱第二。裝前隔。鈴寶一。乾隆宸翰。

水前。

鑑藏寶璽

八璽

古希天子。五福五代堂。古稀天子。

寶壽。八徵耄念之寶。涵虛朗鑒。

收傳印記。御府圖書。紹興。幾暇珍賞。睿思東

閣。內府書印。太簡。魏公家記。忠孝之家。米芾

之印。米姓之印。米芾。祝融之後。楚國米芾。東

蜀文同章。秋壑圖書。子固。彞齋。松雪齋。趙孟

頴印。浦江旌表孝義鄭氏。鬻質假贈。茲為不

孝。浦陽三鄭。子孫永保。合同。泰望。張子顏印。

滕中野處墨林。項叔子印。逸民幻浮。樵李。喬
笠生。項墨林鑑賞章。煮茶亭長。天籟閣。項元
汴印。項氏子京神品。神奇子京。墨林秘玩子
京珍秘。寄傲子孫世保。墨林外史。南華外史。
墨林硯癖。項元汴氏。審定真跡。博雅堂審玩
印。子孫世昌。會心處。項子京家珍藏。攜李項
氏世家審玩。若水軒。項墨林父秘笈之印。桃
花源裏人家。退密。平生真賞。沮溺之儔。赤松

仙史。淨因菴主。子京父印。田疇耕耨神遊心。
賞。墨林山人。墨林子。宮保世家。虛朗齋。季子。
德達。項聖謨印。項氏孔彰。卞永譽印。卞令之。
鑑定。式古堂書畫。令之清玩。卞氏令之。式古。
堂。會嘉彙。子子孫孫。潛心齋。陳氏書印。香巖。
居士。又五印不可辨。

謹按韋述集賢記。太宗搜訪右軍真跡。令褚
遂良。小字帖紙影之。張彥遠法書要錄。褚遂
良於禁中西堂臨寫。米芾書畫史云。蘭亭第
二本。在蘇舜元處。上有易簡子者。天聖歲跋。

范文正王堯臣參政跋。碾花真玉軸。紫錦裝背。題為褚遂良摹。即此卷也。書畫彙考以舊題籤八字為蕪太蘭書。宋元明人題跋印記。皆流傳有緒也。

第三唐馮承素摹蘭亭帖 一卷

本幅麻紙本。縱七寸七分。橫二尺七寸五分。

馮承素臨王羲之蘭亭詩序。見

乾清宮所藏御臨董

其昌臨王羲之蘭亭詩序冊。

引首

御筆。晉唐心印。鈐寶四。御書。深心託豪素。乾。

隆。

〔前隔水〕

御題行書

來記韓馮惜未見。

宋帝跋蘭亭帖云。唐太宗既

流。模賜王公云云。其說本之張彥遠法書要錄。而元章惟於褚遂良華卷跋誅及之。其餘皆不置題品。自係未能悉見。余於已夏題褚卷。曾有韓馮摹本反無真之句。今馮承素此卷。及畫禪室所弄雲世南摹本。並皆所題褚卷。皆唐時名蹟。並入石渠寶笈。又足徵海岳所不足矣。

今看承素卷存真。雖欣無翼聯珍羽。艱致却慙

似褚人。用舊題褚摹卷韻壬辰暮春月中澣

御題鈐寶二。乾隆附前人標題唐摹蘭亭

後幅前人題跋。

長樂許將。熙寧丙辰孟冬開封府西齋閒。臨川王安禮。黃慶基同閱。元豐庚申閏月十

日。朱光裔。李之儀。觀。元豐五年三月二十七日。

李桓。王景通。同觀。城口。王景脩。張太罕。同觀。

元豐四年孟春十日。又同張保清。馮澤。樂觀。文安王景脩題。

仇伯玉。朱光庭。石蒼舒。觀。元豐五年四月廿八日。鈐印一。容德乃大。

甲午。稷日靜坐。集賢官。宿。潛翁出此帖共觀。少焉。風舞雪積。仰觀宇宙之瑩。俯察品類之滋。亦足以極一時視聽之奇也。試同卿所携李廷珪墨書此以識。息翁永陽清叟。少字景歐。父鈴印三。習坎書院。永陽清叟。息堂。定武舊帖。在人間者如晨星矣。此又落落若啓明者耶。元貞元年夏六月。僕將歸吳興。叔亮內翰以此卷求。是正。為鑒。定如右。甲寅日。甲寅人趙孟頫書。鈴印五。大雅。趙氏子昂。孟頫。趙氏子昂。澄懷觀道。右唐賢摹晉右軍蘭亭宴集叙。字法秀逸。墨彩絕發。奇麗超絕。動心駭目。此定是唐太宗朝供奉搦管人。直弘文館馮承素等奉聖旨於蘭亭真跡上雙鉤所摹。與米元章購於蘇才翁家諸河南檢校。精妙數字。皆具有之。更無少異。米老所論。精妙數字。皆具有之。更

鉅轉搨。纖微備盡。下真蹟一等。予家舊藏趙
模搨本。雖結體間有小異。而義類良是。然各
有絕勝處。要之俱是一時名手。摹書前後二
小半印。神龍二字。即唐中宗年號。貞觀中太
宗自書貞觀二字。成二小印。開元中明皇自
書開元二字。作一小印。神龍中宗亦書神
龍二字。為一小印。此印在貞觀後。開元前。是
御府印書者。張彥遠名畫記。唐貞觀開元書
印。及晉宋至唐。公卿貴戚之家。私印。一一詳
載。獨不載此印。蓋猶搜訪未盡也。予觀唐模
蘭亭甚眾。皆無唐代印跋。未若此帖唐印宛
然。真跡入昭陵。搨本中擇其絕肖似者。秘之
內府。此本乃是。餘皆分賜皇太子諸王。中宗
是文皇帝孫。內殿所秘。信為最善本。宜切近
真也。至元癸巳。獲於楊左轄都尉家。傳是尚
方寶運物。是年二月甲午。重裝於錢塘甘泉。

坊僦居快雪齋。壬子日易跋。贊曰。神龍天子
文皇孫。賢章小璽餘半。飛離離舞秦雲。
龍驚蕩蕩跳天門。明光宮中春暖溫。玉案卷
舒。娛至尊。六百餘年。今幸存。小臣寧敢比璵
璠。金城郭天錫祐之。平生真賞。鈐印五。北山。
萬金之玩。神品。金城郭氏。北山珍玩。
君家樓帖評甲乙。和璧隋珠價相敵。神龍貞
觀。苦未遠。趙葛馮湯。搃名迹。主人熊魚兩兼
愛。彼短此長俱有得。三百二十有七字。字字
龍蛇怒騰擲。嗟予到手眼生障。有數存焉。豈
人力。吾聞神龍之初。黃庭身毅真跡尚無恙。
山帖猶為時所惜。況今相去又千載。苦帖消
磨萬無。有餘不足貴相通。欲抱奇書求博
易。鮮于樞題。

至元甲午三月廿日。巴西鄧文原觀。
天歷二年四月十日。開于額學齋。因換籤題。

元統乙亥三月清明日重閱。鈐印一。吳彥碑

至正乙酉十一月十一日太原王守誠觀。

至正丁亥三月三日乙巳因閱重識。

蘭亭石刻。往往人間見之。余家亦藏有善本。

至於唐摹真蹟。則僅見此耳。存禮考功偶出。

示。為題其後而歸之。嘉靖丙戌春三月望日。

濮陽李廷相觀於金陵寓舍。鈐印三。蒲汀李

氏夢弼。松風洞主。

墨林項元汴真賞。

唐摹蘭亭余見凡三本。其一在宜興吳氏。後

有宋初諸名公題語。李范菴每過荆溪。必求

一觀。今其子孫亦不輕出示人。其一藏吳中

陳緝熙氏。當時已刻石傳世。陳好鈞摹。遂搨

數本。亂真。而又分散諸跋。為可惜耳。其三即

此神龍本也。嘉靖初。豐考功存禮嘗手摹。使

章正甫刻石於烏鎮王氏。然予未見其跡。惟
孫鳴岐抄得郭祐之詩跋。解于伯幾長句。每
誦二詩。慨然思欲一見而不可得。蓋往來予
懷者五十餘年矣。今子京項君以重價購於
王氏。遂令人持至吳中。索余題語。因得縱觀。
以償夙昔之願。若其摹榻之精。鈎填之妙。信
非馮承素諸公不能也。子京好古博雅。精於
鑒賞。嗜嗜古人法書。如嗜飲。每得奇書。不復
論價。故東南名蹟多歸之。然所蓄雖多。吾又
知其不能出此卷之上矣。萬歷丁丑孟秋七
月三日茂苑文嘉書。鈐印二。文嘉休承肇錫
子以嘉名。
墨林山人項元汴珍藏于天籟閣書。
神龍珍秘。唐宋元明名公題詠。亦字號。
唐中宗朝馮承素奉勅摹晉石軍將軍王羲
之蘭亭契帖。明萬歷丁丑孟秋七月。墨林山

人項元汴家藏真賞。原價伍百伍拾金。

題籤

御筆。唐馮承素摹蘭亭帖。內府珍賞。鈐寶二。御賞。

乾隆宸翰。

蘭亭八柱第三。鈐寶一。乾隆宸翰。

鑑藏寶璽。

八璽全。

古希天子。五福五代堂古稀天子。

寶壽。八徵耄念之寶。研露漱芳潤。虛衷澄照。烟雲舒卷。叢雲。妙意寫清快。半榻琴書。

收傳印記

神龍

半紹興

神龍書府

司印

半王

濟賞鑑過物

趙吳興

趙氏子昂

松雪齋

天水

郡圖書印

趙孟頫印

俞樾氏景文章

五云翰

墨鄉文房珍玩

喬簣成氏

中山父印

快雪齋

草堂

半吳彥暉印

楊氏家藏

士奇之印

神品

子京天籟閣

若水軒

墨林山人

項叔子

項子

京家珍藏

墨林秘玩

子孫永保

子京所藏

項

元汴印

項墨林鑑賞章

赤松外史

癖茶居士

墨林外史。墨林元汴之印。會心處。寄傲子京
父印。樵李。平生真賞。逸民。項季子章。南華外
史。神奇。墨林嬾叟。退密。煮茶亭長。惠泉山樵。
沮溺之儔。博雅堂審玩印。幻浮。墨林堂。簞笠
生。田疇耕耨。項墨林秘笈之印。子孫世昌。淨
因庵主。項元汴氏審定真跡。墨林研癖。遽蘆
稜嚴精舍。桃花源裏人家。香巖居士。駕鶴湖
長。子京珍秘。有何不可。彙宮保世家。墨林子。

神遊心賞。構李項氏士家寶玩。桃里。

謹按張彥遠書系云。彥遠家有馮承素蘭亭。
元和十三年。詔取入內。此後摹本傳世者。若
蘇易簡玉堂北軒題本。米芾題天聖重裝本。
天曆蘭亭本。李後主題張洎家藏本。唐太宗
題洛陽宮賜高士廉本。自宋迄今。說者皆以
諸本為褚遂良所摹。獨此卷舊稱為唐摹蘭
亭。無摹者姓名。其定以為馮承素所摹。則自
元郭畀祐之始也。承素他跡傳者。僅樂毅論
係墨跡耳。周密雲烟過眼錄云。郭祐之天錫
號北山。所藏唐模蘭亭。迺李山房故物。葉森
曾見。戴原甫持此來售。迺南唐椒閣錦標。高
又高仲器鐫所藏。唐摹蘭亭。極瘦而自然。高
子牙跋云。此乃馮承素等臨。一書中凡兩見。
未審有二本。抑即此本而先歸郭。後歸高也。

至明人若張丑清河書畫舫。全錄諸摹。而未見是跡。惟汪珂五珊瑚網載八。卞永譽書畫彙考所載。其中宋人題名七。元人跋四。文嘉跋一。俱同。惟少吳孝暉以下三則。蓋未錄入書所摹半印闕印亦符。至項元汴四則不錄。蓋以年代相去較近。未足以示考証耳。

第四柳公權書蘭亭詩并後序 一卷

本幅絹本。縱八寸五分。橫一丈一尺五寸。行書。蘭亭詩并後序。王獻之四言詩并序。四言詩王羲之為序。序行於代故不錄。其詩文多不可全載。今各裁其佳句而題之。亦古人

斷章之義也。口之如左。代謝麟次忽馬以

周。欣此暮春。和氣載柔。詠彼舞雩。異代同流。

乃攜齊好。散懷一邱。王羲之自此以下十一人。兼有五言。

伊昔先子。有懷春遊。契慙元執。寄教林邱。森

森連嶺。茫茫原疇。迥霄垂模。凝泉散流。謝安。

肆眺崇阿。寓目高林。青蘿翳岫。脩竹冠岑。谷

流清響。條鼓鳴音。元嶧吐潤。霏霞成陰。謝萬。

春詠登臺。亦有臨流。懷彼代水。蕭山良儔。脩

林陰沼。旋瀨紫邱。穿池激湍。連濫觴舟。

孫

俯揮素波。仰掇芳蘭。尚想冥客。希風永歎。

陸

之。

茫茫大造。萬化齊軌。因悟元同。覓異標

旨。平勃運摸。黃綺隱机。凡我仰希。期山期水。

孫

丹崖竦立。葩藻映林。淶水揚波。載浮載

沉。

王彬

人亦有言。意得則歡。嘉賓既臻。相

與遊盤。微音迭詠。馥焉若蘭。苟齊一致。遐想

揭竿。

袁

莊浪濤津。巢步穎湄。寄心元冥。

千載同歸。

王疑之。

在昔暇日。味存林嶺。今我

斯遊。神恬心靜。

王肅之。

散懷山水。翛然忘羈。

秀薄榮穎。踈松籠崖。遊羽扇香。鱗躍清池。肆

目寄心。歡宴二奇。

王徽之。

肆眎巖岫。臨泉濯

趾。感興魚鳥。安茲幽跼。

王豐之。自此已下三人無五言。

林

榮其蔚。澗激其隈。沉沉輕觴。載欣其懷。

華茂。

寄心城表。遼遼遠邁。理感則一。冥心元會。

庾友。

五言詩序。古人以水喻性有旨哉。非以

渟之則清。渚之則濁。耶。故振轡於朝市。則充
屈之心生。閑步於林野。則遼落之意興。仰瞻
羲唐。既已遠矣。近詠臺向。顧探增懷。於曖昧
之中。思鑒拂之道。暮春之始。契於南澗之濱。
高嶺千尋。澄湖萬頃。乃席芳草。鏡清流。卉物
觀魚鳥。具物同榮。資生咸暢。於是和以醇醪。
齊以達觀。泱然兀矣。焉復覺鴈鷗二物哉。唯
靈促轡。元景西邁。樂與時過。悲亦係之。往復

推移。新故相換。今日之迹。明復陳矣。原詩人

之致興。良詠歌之有由。

文多不備載。其須畧如此。其詩亦裁而振。

之。如四言馬。孫興公。

仰眺望天際。俯盤淥水濱。寥朗

無崖觀。寓物理自陳。大矣造化功。萬殊莫不

均。羣籟雖參差。適我無非新。

王羲之。自此已下。一十一人。無

有四言。

相與欣嘉節。率爾同褰裳。薄雲羅陽

景。微風翼輕航。淳醪陶元府。兀若遊羲唐。萬

殊混一家。安復覺彭殤。

謝安。

元冥卷陰旗。勾

芒舒陽旌。靈液被九區。光風扇鱗紫。碧林輝
英華。紅葩擢新莖。翔禽撫翰遊。騰鱗躍清冷。

謝石

流風拂狂渚。亭雲蔭九阜。嚶羽吟脩林。

游鱗戲瀾濤。攜筆落雲藻。微言剖纖毫。時珍

豈不甘。忘味在間韶。

孫綽

清響擬絲竹。班荆

對綺疎。零觴飛曲泳。歡然朱顏舒。

徐豐之

地

主觀山水。仰尋幽人蹤。迴沼激中逵。竹柏間
修桐。因流轉輕觴。冷風飄落松。時禽吟長澗。

萬籟吹連岑。

清

鮮葩映林薄。遊鱗戲清渠。

臨川欣投釣。得意豈在魚。

王彬

四眺華木

茂。俯仰清川渙。激泉流芳醪。豁爾累心散。仰

想逸民軌。遺旨良可翫。古人詠舞雩。今也同

斯歎。

袁矯

烟煴柔風扇。熙恬和氣溥。駕言

與時。

落

一逍遙映通津。

王凝

嘉會欣時遊。

豁朗暢心神。吟詠臨曲瀨。綠波轉素鱗。

王肅

先師有冥歲。安用羈世羅。未若齊契箕山。

河王羲之

風起東谷和氣振柔條端坐興遠

想薄言遊近郊

都雲自此以下十二人無四言

神散宇

宙內形浪濤梁津寄暢須臾歡尚想味古人

虞

望巖懷逸許臨流想奇庄誰口元口絕

千載挹遺芳

孫

時來誰不懷寄散山水間

尚想方外賓超超有餘閑

曹茂

願異達人

遊解結邀濠梁猖狂任所適浪流無何鄉

華

三春陶和氣萬象齊一歡明后欣時和駕

言映清瀾。疊疊德音暢。脩然遺世口。望巖媿

脫屣。臨川謝揭竿。

魏

縱觴但所適。迴波縈

遊鱗。千載同一朝。沐浴陶清塵。

謝

仰想虛

舟說。俯歎世上賓。朝榮雖云樂。夕弊理自因。

庾

至人口口懷。應物寄有尚。宣尼遯沂

津。脩然神心王。數子各言志。曾生發奇唱。今我

歎斯遊。愔情亦暫暢。

桓

松竹挺元岷。幽澗

激清流。蕭散肆情志。酣觴豁滯憂。

王元

散

豁情志暢。塵纒忽以捐。仰詠捐遺芳。恬神味

重元。

王綸

去來悠悠子。披褐良足欽。超迹脩

獨往。

王渙

引首

御筆。

筆諫遺型。

鈐寶一。乾隆御筆。

前隔水

御題行書。

偶看契帖戲鴻堂。惜漫漶教闕補旁。將謂佳談

藝苑擅誰知真本石渠藏却疑有柳何無董所
喜因羊翻得王虞褚馮鄰唐四絕娛清暇足傲
香光已亥暮春月上澣御題鈴寶二幾暇怡
情得佳趣附標題

唐柳公權書羣賢詩

宣和金和書

後幅前人題跋

邢天寵借覽

祥符八年乙卯歲季夏月十日楊希甫鈴印

一楊希甫記

治平元年甲辰歲夏六月乙未朔十一日丙

午煦過在陳州項城縣吉義寺天王院內寄寓待慶紀何郭來年五月闕

嘉祐四年歲次己亥夏六月癸亥朔初五日丁卯煦過時在蔡州淮安門裏街北監酒使

臣廨署內寄寓號郡日益習之謹誌

嘉祐五年庚子歲八月丁巳朔初五日辛酉

煦過在汝南句秘校宗盛宅寄寓待陳州項城令姚闕來年三月闕

蒲陽蔡襄題

晉人宗尚元達言皆曠淡唐室書法未墜筆

力道速盛可觀焉宣和甲辰季秋六日平興

邑丞維陽李處益

惟嶺孫大年三槐王易政和四年七月廿日

同觀

魏正始中務談元勝及晉度江兄宗理伯故郭景純始合道家之言而韻之孫興公許元

度華轉相祖尚。又加以三世之亂。而詩騷之
體盡矣。今山陰脩禊諸賢詩體正爾。然皆寄
尚瀟遠。軌跡塵外。使人懷想深。頃見晉人一
帖云。三日臨水詩文既佳。興趣高。覽之憎諸
懷年少作。六各有心。正謂此詩也。是時預集
者。世有一人。今詩存者。廿六人而已。此馬唐
諫議大夫柳公權書。故自不凡。當為希世珍
藏也。政和元年十一月戊寅。承議郎行秘書
省校書郎臣黃伯思拜觀。分
時明昌二年七月四日宋通題。
成士戌夏四月六日澹遊老人王萬慶題於
行玉堂。鈐印一。澹遊老人。
永和。一叙筆神絕。遺刻居然走千古。興公文
是。擲地聲。安石詩為碎金語。羣賢爾時氣爭
王。那。應零落同塵土。絹素風神出豪顰。新
新樣時能觀。鋒距寧登由也堂。委蛇取效即

郭步。嗚呼。開元以達骨格變。誠懸亦是書中
虎。不辭傾索為買。將欲傍墨池。追定武。若不
見魯男子。矻矻可畏哉。自云善學君之祖。自
襖叔出右軍筆。玉匣蘭亭龍珠定。武外石刻
何啻百千本。而孫興公文。及諸賢詩。寥寥無
傳者。獨柳誠懸少師嘗一錄之。見宣和書譜。
柳法道媚勁健。與顏司徒媲美。書家謂驚鴻
避弋。鐵鷹下。繆不足喻其勢急。去山陰室雖
遠。大要龍師神而無跡者也。余從顧氏所驟
見之。恍然若未識。父看愈妙。因捐一歲奉養
之。仍為歌志於後。吳郡王世貞謹書。鈐印二
鳳州元美。

公此書乍看之亦似有一二俗筆。而久之則
俗者入眼作嫵笑。殆似龍聖之視羊鼻翁也。
鋒勁處真純鈎鐸稍遊絲細筆。亦似錢鐫中
間一二行小楷。以無意發之。絕得晉人心印

耳。跋尾楊少師。有書名。乃不能佳。宋適無書
名。乃致佳。此亦不可曉也。滄浪首田海岳。無
垢。及長睿校書。皆宋之諸八法者。皆有跋。滄
游。老人王萬慶。庭筠兒也。明昌。金章宗年號。
然則此卷蓋入北矣。萬歷改元。初秋。書於九
江道中。舟行如畫。世貞。鈐印二。王元美印。天
家居士。
萬歷甲戌中秋日記。鈐官印一。太僕寺印。
乙亥中秋日記。鈐官印一。撫治鄧陽等處關防。
柳少師書與公後序。而及諸賢詩。而不書契
帖。政自不敢與逸少抗衡耳。然以書每於險
中生態。枯澗纖穠。掩映相發。豈後世所能摹
鬚者耶。夫以晉人罪罪元著之談。又得公書
輒成無美。譬諸燕趙絕代。快歌陽阿。使人心
愉目攝。不能自制耳。甲戌仲秋之望。雲間莫
是龍得觀於長安客舍。因識年月。鈐印二。莫

是龍印。莫氏雲卿。

柳誠懸行草。贊勅頌撰。似顏魯公而乾濃畢

備。略無妍媚之態。於此卷見之。茂苑文嘉書。

鈴印二。文嘉休承。歸來堂印。

唐人真蹟。世不多見。別誠懸為書家鉅工者

哉。覽此卷。不獨似山陰道上行。亦可想見筆

諫風度矣。丁丑夏與錢山人穀。暨仲氏獻翼。

同觀識此。長洲張鳳翼。鈴印二。張鳳翼印。悟

往齋印。

柳太師自長慶間拜侍書學士。以筆諫顯名。

迨事文宗。有諍臣風。平生博貫經術。書法結

體勁媚。帝一日召與聯句。賞其詞情具美。命

題於殿壁。歎曰。鍾王無以尚也。當時大臣家

碑誌。非其筆。人以子孫為不孝。外夷入貢者。

皆別署貨貝。曰。此購柳書。嘗書京兆西明寺

金剛經。有鍾王歐虞褚陸諸家法。自為得意。

史稱之者如此。今觀所錄蘭亭諸賢詩及後序。入宣和御府收藏。六墨燦爛。宋名人俱有題識。龔州公備極推許。系以長歌。董文敏刻之鴻堂帖中。其為墨之瑰寶。信不誣矣。諦審其骨格。道勁中含姿態。指畫數行。與度人經一律。自是柳家新樣。至所云鍾王歐虞諸陸諸家法。殆未可於筆墨蹊徑間得其髣髴。始知古人妙處。在師神而離跡。故自目一家。近代學書者流。愈似而愈嫩。去古人愈遠。請以柳書為求度金針可也。康熙五十七年冬十月廿二日。橫雲山人王鴻緒題於長安邸舍。時年七十有四。鈐印四。橫雲山人。王鴻緒印。儼齋大司農章。唐柳諫議書蘭亭詩并後序真蹟。康熙辛未秋日。購於泰興李氏。價叁伯兩。朗潤堂記。鈐印一。朗潤堂。

題籤

御筆 蘭亭八柱第四

裝前隔水

鈐寶一 乾隆宸翰

鑑藏寶璽

八璽全

古希天子五福五代堂古稀天子

寶壽八徵耄念之寶含經味道陶冶賴詩篇繪
月有色水有聲烟雲舒卷筆花春雨天地為師
觀書為樂即事多所欣研露進德脩業含英咀
華涵養用敬石渠繼鑒乾隆御賞之寶

收傳印記 政和宣和雙龍圓印 睿思東閣奉

華寶藏。內府圖書。內殿書印。乾坤清賞。柯九
思。喬資成印。汝脩。顧九德。顧氏芸閣珍藏。李
雅貞元。有明王氏圖書之印。董其昌印。雲間
王鴻緒鑒定印。鴻緒儼齋橫雲山人。儼齋秘
玩。王儼齋鑒賞法墨名書雲間王儼齋收藏
記。江邨秘藏。高士奇圖書記。竹牕。口齋。伯起
謹按是蹟見宣和書譜故有徽宗諸璽其奉
筆寶藏。則高宗時劉夫人居奉華堂掌古書
畫圖籍也。此宋諸人跡。至黃伯思而款有臣
字。蓋已入內府矣。卷內金人跋二。予人印二

至八王世貞爾雅樓而跋據孟研矣。書畫彙考所載題跋同。

第五

內府鈎填戲鴻堂刻柳公權書蘭亭詩原本一

卷

本。宣紙本。縱九寸。橫一丈八尺七寸。雙鈎。

柳公權蘭亭詩。

并後序。見上卷。

款鴻臚寺序班。

小臣

常福奉

勅鈎填。

引首

御筆。真面可追。鈐寶一。乾隆御筆。

題內府摹柳公權蘭亭詩帖。虞褚蘭亭意早

茫。何來柳帖戲鴻堂。虞世南褚遂良所臨蘭亭序並流傳刻石已難致其

真蹟久無存矣。公權以帖雖刻入戲鴻堂。而已漫漶。至墨蹟亦不可考也。刻工未必

能知字。片石居然有斷章。刻本字體未為甚工。筆畫亦多有殘闕者。

蓋由當時刻本摹勒未善。而石刻又年久漫漶。故以其品臨本較之。轉覺青過於藍矣。說

項祇因撫自董補王恰似得其羊。各詩闕筆命于敏中仿其

意補足之。其闕字者。以其昌臨本為準。若臨本亦闕。則仍其舊。並以錢鴻堂原刻。及敏中補本。其昌臨本。及御臨本。命工摹刻。各閱年二百已為一冊。彙裝成函。以增稊牯之勝。閱年二百已漫漶重搨。咄斯圖久長。乾隆戊戌季夏上澣。御筆。鈐寶二。乾隆。

題籤

御筆。蘭亭八柱第五。鈐寶一。乾隆宸翰。

鑒藏寶璽

八璽

古希天子。五福五代堂古稀天子。

寶壽。八徵耄念之寶。寫心。旰食宵衣。半榻琴書。

脩詞立誠研露用筆在心烟雲舒卷寓意于物
妙意寓清快留畬經訓中和淑芳潤麓雲典學
勤政虛衷澄照筆花春雨

第六于敏中補戲鴻堂刻柳公權書蘭亭詩

關筆一卷

〔本幅〕宣紙本縱九寸橫二丈一尺五寸于敏

中摹補柳公權蘭亭詩見上件卷每段下注王獻

之四言詩并序按序內不錄之不及其佳二字原刻有闕字義原刻作

並仿董其昌臨本補改。又之如左三字。董臨本所無。原刻有之。今補。又之字上。原刻亦闕。

之。仍存。王羲之詩。按此詩春字。今補。謝安詩。按此詩

字。原刻有闕筆。今補。茲原。謝萬詩。按此詩律

刻作慈。今從董臨本改。刻有闕。孫綽詩。按此詩旋字。原刻有闕筆。今

筆。今補。孫綽詩。按此詩依董臨本改。濃

字。下並臨。亦。徐豐之詩。按此詩冥字。原

闕。仍存之。刻有闕筆。今補。孫統

詩。按此詩勃字。原刻作。王彬之詩。按此詩崖

刻有闕。袁矯之詩。按此詩人字。既字。疎字。若

筆。今補。王凝之詩。按此詩莊字。寄字。原刻俱有闕筆。

今補。冥字。原闕。今從董臨本增。但

董作寄心元冥。今考馮惟訥詩紀原。王肅之

詩。按肅之二字原。王豐之詩。按此詩律字原

華茂詩。按此詩載字原。庾友詩。按此詩寄心

闕筆。而第一字未闕處似馳。今從董。孫興

公五言詩序。按序內古字。淳字。朝字。唐字。春

二字。決字。靈字。係字。原刻俱有。闕筆。今補。又

既字。澄字。醇字。原刻俱闕。今從董臨本增。又

悲字。原刻作非。由字。原刻作中。今從董改。又

升物上。孫綽序有覽字。原刻及董臨本俱闕

之。因仍。王羲之詩。按此詩功字。原刻作切。今從

董臨本改。適我非新。四字原

刻俱有。謝安詩。按此詩相字陶元二字若

筆。今補。謝萬詩。按此詩元字被字仁

字。原刻作允。今謝萬詩。按此詩元字被字仁

從董臨本改。謝萬詩。按此詩元字被字仁

開筆。孫綽詩。按此詩元字被字仁

今補。孫綽詩。按此詩元字被字仁

補。林字。續字。原開。徐豐之詩。按此詩然字未

今從董臨本增。徐豐之詩。按此詩然字未

補。又水字。原刻旁注曲字下。孫統詩。按此詩

董臨本作泳。今仍從原刻。孫統詩。按此詩

開筆。今補。又連。本孫統詩作連峰。原刻王彬

作。今與顏不協。因董臨本未改。仍從之。王彬

之詩。按此詩映林二字戲字。袁矯之詩。按此

字。激字。民字。今字。原刻有。開筆。今補。又軌原

刻作杭。今從董臨本改。又舞。雲之舞。董臨本

亦作無。王凝之詩。按此詩時字下王凝之原

因仍之。王凝之詩。按此詩時字下王凝之原

從之。王肅之詩。按此詩欣字原刻作王徽之詩。

按此詩先師二字未若二字齊字原刻有闕

筆。今補。又未若以下二句。董臨本無。而原刻

有之。亦為臨補。其原。郝曇詩。按郝曇虞悅孫

關三字。則仍其舊。郝曇詩。按郝曇虞悅孫

所無。而原刻有之。今仍為臨補。按此詩端

坐興遠想薄六字。原刻俱有闕筆。今補。其風

字。上一字。查原詩作溫。和字下一字。原詩作

氣。振字下一字。原詩作柔。刻本俱不全。且有

舛誤。仍。虞悅詩。按虞悅原刻有闕筆。今補。

關之。虞悅詩。按此詩寄字須字。原刻俱有

闕筆。孫嗣詩。按孫字原刻有闕筆。今補。

今補。孫嗣詩。此詩歲懷千載四字。原刻有闕

筆。今補。又推字下原詩有云字。絕字曹茂之

一原詩有風字。原刻並闕。今仍之。

詩。按曹茂之名。董臨本無。今從原刻。按此

字董臨本作將。今從原刻。又此詩華平詩。按

董併於王徽之下。今從原刻。分列。

詩。願字解字狂任二字。魏滂詩。按此詩原刻

原刻俱有闕筆。今補。

筆。今從董臨本改。世字下。謝懌詩。按此詩縱

原刻闕筆。董闕字。今仍之。

原刻有闕。庾蘊詩。按此詩仰字雖字。桓偉詩。

筆。今補。

按此詩首句。原刻闕。查桓偉詩作主人。雖無

懷。按董臨本亦無此五字。仍闕之。又津字。脩

字寄字。暢字。原刻。

俱有闕筆。今補。王元之詩。按此詩情字。原

刻有闕筆。今補。

王蘊詩

按王蘊從其舊

下應有之字。董臨本亦無。仍

今補。王渙之詩

按此詩末句闕五字。查原詩係真契齊古今。但董臨本亦無。仍

從其舊。

引首

御筆

俾還舊觀

鈐寶一。乾隆御筆。

御題行書

命大學士于敏中補書柳公權蘭亭詩帖版缺

畫者。詩以誌事。公權稷帖早稱神。一脈香光

得髓真。鐫刻戲鴻惜漫漶。

戲鴻堂帖所列柳公權前亭詩。多有缺字。

茲命于敏中就刻本漫漶缺遺者。因其遺像。補成全字。並仿董其昌臨本意書之。其原刻本及董書所無之闕字。闕句。則仍其舊。並以宋臨之卷。及余所臨卷。鈎摹上石。各為一冊。亦藝林一話也。補填卧虎付絲綸。董書幸聚豐城。其言蘭亭四言詩卷。先奔石渠。後復得其五言詩。取而校之。則實係一卷。析而為二。且移高士奇陳元龍張熙諸跋於四言卷。而留董原跋于五言卷中。蓋張熙收藏時。本屬全璧。其身後為人竊取。割裂分售。因命移接重裝。彙成。俾復舊觀。幸而俱入內府。離者得以復合。此亦翰墨因緣。莫知其然而然者矣。柳蹟應全合浦珍藝也。當知繫乎道。

可忘筆諫乃其人
乾隆戊戌季夏上澣御筆

鈴寶二乾隆

前隔水于敏中和章

聚擬

心正由來筆有神臨摹況揭在前真
補柳公權墨蹟蘭亭詩刻卷本已不
所集本國得之明筆與如列未布
前氣人金丹末得空皮骨歸持無
尾縱續詔難媲美。經比玉敢稱珍昔
褚今規柳學品兼懸彼二人丁亥
臣代請。依。有。出。云。無。地。今。復。味。即。臣。于。敏。中。

題籤

御筆 蘭亭八柱第六 鈐寶一 乾隆宸翰

鑑藏寶璽

八寶金

古希天子五福五代堂古稀天子

寶壽八徵耄念之寶。虛受人。陶冶賴詩篇。德惟一。含經味道。含英咀華。涵養用敬。觀書為樂。如水如鏡。朝日輝。墨雲。人情為田。寓意于物。落花滿地。皆文章。與民用勤。進德脩業。取益在廣。求用筆在心。秀色入牕虛。盱食宵衣。水月兩澄明。

化工四氣為全施。追琢其章。日鑒在茲。叢雲蓄
畚經訓。天地為師。落紙雲烟。有孚惠心。慈儉為
寶。至味寓淡泊。忘機心宇曠。即事多所欣。涵虛
朗鑒。脩詞立誠。保泰繪月。有色水有聲。中和半
榻琴書。虛果澄照。烟雲舒卷。研露筆花。春雨妙
意。寫清快。激芳潤。生秋庭。

第七董其昌臨柳公權書蘭亭詩

一卷

本幅宋綾本。縱八寸五分。橫三丈三尺五寸。

董其昌臨蘭亭詩

見上卷

自識右柳公權書蘭

亭詩。書法與右軍楔帖絕異。自開戶牖。不倚
他人廡下。作重儔。此所謂善學柳惠者也。或
曰。陶穀書。恐穀未能特創。乃爾。且君謨長睿
已審定矣。董其昌。書法自虞。歐。褚。薛。盡態
極妍。當時縱有善者。莫能脫其窠臼。顏平原
始一變。柳誠懸繼之。於是以離堅合異為主。
如那咤拆肉還母。拆骨還父。自現一清淨法。

身也。米老反誠。誠懸不足稱。具眼人若誠懸
所書蘭亭。要須無一筆似右軍。蘭亭始快。恨
予不能無一筆不似誠懸耳。止生過余墨禪
軒論書。因一拈之。戊午正月廿二日。董其昌
自題鈴印二。太史氏董其昌有前人跋。

元宰先生以大卷附止生寄予。止生遂爾失
去。余屢索之不得。後止生授經。見此卷。亦不
負預償風約笑。多力豐筋。是卷為勝。先生歸
機山。有年止生來殿館。無卷為三數。索預辛
巳。從月四日。臨天老漁。鈴印二。虞璣如國
道人。

御識

此係舊割裂今接祿鈴寶一乾隆宸翰

孫綽後序後

自此又係割置前卷之末者今改正鈴寶一

幾暇怡情

鵬天老漁跋後

四言詩舊卷張照跋有止

生及鵬天老漁者莫考語而老漁跋則在此五

言詩卷後照豈有憑空立論者益可為二卷在

照家本自合一後經割裂之証又識鈴寶一比

德

董其昌白題後

引首

御題行書。

內府藏董其昌真跡不下百數十種。所臨柳公權蘭亭詩其一也。裒集既多。未暇悉為題品。雖同入石渠上等。亦第以尋常董跡視之。茲復得其蘭亭詩臨本。憶與舊藏有相類者。因出石渠臨卷校之。則舊卷乃臨蘭亭四言詩十一人。並孫綽後序。新卷臨五言詩十一人。後卷董自有

跋兩卷紙幅寬窄正同。且與戲鴻堂帖所刻柳
書首尾次序無弗脗合。其為全臨通本而割為
兩卷無疑。即董自跋止辨此書非誠懸不能而
深許其離堅合異之妙。未嘗致歎於得半。足為
全卷左證。又舊卷後有高士奇陳元龍張照三
跋。歷叙字卷流傳始末。而不言其曾有缺佚。且
兩卷押縫處。士奇之竹牕。照之張長卿二印。上
下相間。無少參差。可見卷在張照家。尚為全璧。

不知何時析而為二。而以後三跋置前半卷尾。此可怪也。夫物之顯晦離合。固有定數。二卷之離。不知幾年。使非前後並入內府。則亦無由終合。乃余見而疑疑而校。校而復合。有不知其然而然者。豈墨池片楮。實默有司其契者乎。蓋凡人精神所聚。必有不能泯沒者。董此書殊自矜貴。諸人藏跋亦極為寶重。諦視之。果其用意之作。精神既注。其不終於掩晦固宜。鄙使兩卷不

離則亦仍以尋常董蹟視之。豈暇為之詳晰審定。是則因有昔日之離。乃成今日之合。為墨禪軒增一因緣。庸渠非是卷之幸耶。既為訂易合裝。並書以識異。庚寅新正月中泮御筆。鈐寶。

二。乾隆

其昌臨柳書蘭亭詩。初得四言詩及後序一卷。繼復得五言詩。及董跋一卷。而高士奇陳元龍張照三跋。乃裝附四言卷末。因以兩卷相較。則

本係全璧。後經剖析者。遂命裴池合卷。臨仿一
再。并識而藏之。初閱張照跋。即疑此卷在照家。
原未缺佚。茲偶展觀天瓶齋法帖。有所臨仰眺。
望天際三詩。而養心殿所設簾頭。復有縮本祇
二首者。足為照藏此卷時五言詩尚存。未經割
裂之據。而其散失。當在張照既歿。其子童騃。紈
袴為人竊取。因不禁瞿然曰。字跡乃文人之末
藝。鑒藏亦好古之一端。子孫若賢。則可守而勿

失。若不肖。則棄其先業而不能保。其理顯而易見。然字卷其小焉者也。若夫天下大器。繼緒者常能兢兢業業。凜執玉捧盈之戒。庶乎永保令緒。傳之無窮。倘或不知保愛。自隕厥寶。其失與舊蹟之銷亡無異。而其足惜。且不啻霄壤之殊。余所以言守成之難。丁寧告誡。至詳且悲也。我世世子孫。其尚善體余志。或偶觀此卷。應知以小喻大。保億載丕丕基。可不慎乎。可不懼乎。

戊戌仲夏下泮再識鈴寶二乾隆

前隔水

御題

香光楔帖仿誠懸一乃二之誰所然幸具董文
仍在後訝移張識反居前無分可識初無合得
半欣於兩得全題什藝林傳盛事那能書法悟
離堅庚寅新正中泮御題鈴寶二乾隆宸翰
幾暇臨池

後幅

御題

香光此卷專務規仿誠懸神韻而於字句脫落者不復致詳全篇刪佚得云操觚時別有去取若篇或闕句句或闕字令讀者索解茫然斯為全璧之憾故於幾暇臨寫數過見有不能成篇句者以馮惟訥詩紀校之則孫綽詩闕湍字序闕覽字王凝之詩闕遊字魏滂詩闕明字難字

王徽之詩闕末若保冲真齊契箕山阿二句。桓
偉詩闕首句主人雖無懷。王渙之詩闕末句真
契齊古今。曹茂之詩再闕標名。即据原文用董
法補之。而本卷則仍其舊。因詳識端委於此。盖
余之所為闕疑。而亦不肯終於蓄疑。墨禪三昧
得毋以余為必求甚解乎。卷中高士奇張照諸
人皆稱鑒藏精覈者。皆未置一語。是又不可解
矣。辛卯暮春之初。御識鈐寶二。乾隆附高士

奇陳元龍張照題跋

柳誠懸書蘭亭詩卷。向藏信天集。為希世之珍。去年在京師。又得董文敏所臨茲卷。雖規模古人。筆底別具胎息。沉着之致。豈可以千載後貳視之哉。康熙戊寅秋八月十四日。餘暑未退。偶有微疾。午後展觀。不覺清興忽作。謹記卷末。時桂花大放。有贈佛手柑者。甚巨。江村高士奇。鈴印四。士奇高澹人。高唐事。日講起居注官。

此卷余外舅宋文恪公故物也。予為館甥時。文恪置此卷案頭。時時展玩。每為予言。此董文敏真蹟神品。深得晉唐人神髓者。為崑山徐立齋先生所藏。一日出以示予。因與奕。指以相嗜。予勝之。携以歸。旋以他名蹟相易。予受而新之。遂歸於予。今世俗流傳華亭真蹟。

如此卷者。未見其匹也。文恪捐館後。藥洲學士以贈江村唐事。今又歸得天太史。得天為

內廷。詞翰妙絕一時。此卷得所歸矣。戊戌夏五

月。予自粵西入。觀隨

鑒。避者熱河。得天携之行筭。因得借觀。四十餘年

間。名賢相繼凋謝。此卷猶墨如新。為之慨然。因識數語而歸之。時年六十有七。海寧陳元

龍。鈴印二。元龍私印。乾齋。

思翁臨此。為明萬歷四十六年。年亦六十餘

矣。精采煥發。尚如初日出雲。名花當午。百歲

以來。書壇執牛耳。無誰能與迭主夏盟者。非

偶然也。余廿二歲始得與此卷周旋。中間八

出長城。一使閩海。因歸華亭故里。至武林西

溪山莊。一使滇南。跋涉萬里。無挂不與俱也。

今年亦四十有五矣。同念卷中三人。思翁年

八十餘。海寧相公今年八十有四。優游林泉。止生及嗣。天老漁者。莫考。歸則莫若二老之壽者。春既久。為余有。不必以書拙劣而不著語其尾。以自永也。因書。雍正乙卯三月二十日燈下。是日為余生日。云。張熙。鈐印二。張熙私印。得大。套九號。鈐印一。高口。

題籤

御筆。蘭亭八柱第七。鈐寶一。乾隆宸翰。

鑑藏寶璽

八璽

古希天子。五福五代堂古稀天子。

寶壽。八徵耄念之寶。墨雲。十有同春。叢雲。用筆。

在心。妙意寫清快。筆端造化。几席有餘香。研露
即事多所欣。

收傳印記。宋氏藥洲收藏源頭活水山房清
吟堂高士奇圖書記。竹牕士奇私印。高詹事
簡靜齋高士奇圖書印。耗壯心遺餘年高口。
高祥。清河郡記。世澤堂藏。張長卿。

第八

御臨董其昌臨柳公權書蘭亭詩一卷

〔本幅〕宣德牋本。縱八寸五分。橫三丈六尺二寸。行書。

臨董其昌臨柳公權書蘭亭詩并後序。董其昌自

識二跋。見上卷。

〔引首〕

御筆。進叅堅異。鈐寶一。乾隆宸翰。

〔後幅〕

御識。

董其昌臨柳公權書蘭亭詩全卷。初藏張照家。後乃割截為二。而兩卷先後俱入內府。因得合校。審定。復為聯綴成卷。曾一再臨仿。並加題識。其闕字闕句。則按馮惟訥詩紀詳校。用董法補足之。適當夏雨既霑。幾政稍暇。爰再臨此卷。覺前者所摹。尚不出範圍。茲乃得運轉自如。亦足以驗今昔之詣力矣。董卷分行疎密高下。多有參差者。向雖畧為排比。而未盡令乃移就整齊。

且其首行有王獻之四言詩並序八字蘭亭序
人皆知為羲之所作不聞獻之別有序文而所
集諸人詩又無獻之隻字此或誠懸臨池偶誤
而香光仿寫時亦未深考因刪此行以寓辨
正又孫綽後序近詠臺向句蓋用後漢逸民傳
臺佟向長二人事以對羲唐正合乃明張溥輯
漢魏百三家集改作臺閣殊失意理亦可謂無
知妄作矣第戲鴻堂原刻漫漶闕畫者多因命

于敏中就其邊傍補成全字其原刻及董書所
無者仍闕之並命工以原刻本及敏中補本董
臨卷並所臨此卷鈎摹上石刻為四冊俾操觚
家得資者鏡而董帖顯晦離合之故摹訂彰闡
之緣皆有莫之致而致者庸可不舉而示之以
識藝林佳話乎 戊戌六月中瀚御筆鈐寶二
乾隆

鑑藏寶璽古希天子五福五代堂古稀天子寶壽

八徵耄念之寶。保泰旰食宵衣。必有同春。淑芳
潤。寫心成性。存存研露。即事多所欣和。順積中
筆花春雨。寓意于物。半榻琴書。根柢一誠。用筆
在心。妙意寫清快。秀已入牕虛。幾暇臨池。至味
寓淡泊。取益在廣求。樂意寓靜觀。宸翰忘機心
宇。瞻垂露。筆端造化。烟雲舒卷。石渠寶笈所藏。

謹按第一卷已入前編
畫禪室下第四卷已入前編

養心殿下。乾隆三十四年

加
議。景齊諸卷。

命摹勒上石。為蘭亭八柱帖。映匣弄歲。謹從彙記。
原書仍存。

宋法書六種 一卷

本幅紙本六幅宋徽宗二帖蘇軾陳與義劉
光世張栻各一帖

第一。縱一尺一寸。橫六寸。宋徽宗書詩棣棠
花衆芳紅紫口口隅。惟此開時色迥殊。却似
羸金千萬點。亂來碧玉簪頭鋪。鈐印一御書。
第二。縱橫如前。宋徽宗書詩。笋石笋石穹崇
固不歇。出簷口口擬高舉。幾口碧玉樓臺外。

曾礪行雲左右飛。鈴印一御書。

第三。縱一尺一寸。橫四寸八分。蘇軾尺牘。此雖云同歸院。亦不云宿於院中。不知別有文字。證得是宿學士院為復。只是公家傳說如此。乞更批示。軾白。今當改宿學士院為復。且只依舊云宿待漏舍。幸批示。

第四。縱一尺。橫一尺一寸六分。陳與義尺牘。霜寒不審太尉起居何似。今晨蒙賜教墨。甚

慰馳仰。病愈更加保愛。又聞湖南洞庭有寇。
公宜擇將擒獲。不可遲也。恐滋蔓為患耳。卒
難伐戮。冒瀆有罪。萬祈恕察。陳與義頓首。太
尉公閣下來復日。

謹按陳與義字去非。號簡齋。泰和政事。宋史
有傳。

第五。縱一尺五分。橫一尺四寸。劉光世尺牘。
光世。咨目頓首。啓上知府侍郎台座。即辰秋
思寢肅。伏惟撫字之暇。神贊忠嘉。台候動止。

萬福。光世駐軍淮右。未緣詹晤。伏冀惠時。為
國寶。晉前膺異拜。不宣。知府侍郎台座。光世
咨目頓首啓上。

謹按劉光世字平叔。保安軍人。中興四將之
一是蹟。見書畫彙考。

第六。縱一尺。橫二尺五分。張棧尺牘。棧近附
遞拜。劄子必已呈徹。急足還拜。所賜教慰。感
不勝下情。即辰秋晚。氣令澄肅。伏惟制間。雍
容。神人交相。台候起居。萬福。棧侍旁。粗安。不

足記軫邇來邊報雖不一而未見口有端的
動息持書之使口已遣兩屬來迎去俟聞信
息別得馳稟上意欲外示款之而益治要險
練甲治兵以為後圖尚書丈想必已知此意
皇甫倜呼前勞撫之使守信陽深得其宜不
勝歎服京裏近聞乞時賜諭川陝軍實今何
如所聞頗異同亦願詳示誨未因詹近敢幾
上體眷倚倍護鼎茵即歸樞近右謹具呈制

置尚書契文台座前。九月廿三日。右承務郎
直秘閣江淮都督府主管書寫機宜文字張
栻劄子。

謹按張栻字敬夫學者稱南軒先生是札蓋
侍父沒安撫陝西時也

鑒藏寶璽

八璽全

取傳印記。兗孫太邱陳氏瞻近堂忠徹素忠
徹印。南昌袁氏家藏珍玩。天水郡收藏書畫
印記。退密子孫永保項氏子京項墨林秘笈

之印庚子印硯癖印子京父印項元汴印駕

鵞湖長橋李項氏世家寶玩項墨林鑒賞章

宋四家真蹟一冊

本幅紙本。蘇軾二帖。黃庭堅一帖。米芾四帖。
蔡襄一帖。

第一。蘇軾尺牘一幅。縱九寸五分。橫九寸四分。行書。軾啟江上邂逅俯仰八年。懷仰世契。感悵不已。辱書且審起居佳勝。令弟愛子。各想康福。餘非面莫既。人回忽忽不宣。軾再拜。
知縣朝奉閣下。四月廿八日。

第二蘇軾詩帖。幅半縱九寸。首幅橫一尺五寸。半幅橫七寸八分。行書。辯才老師退居龍井。不復出入。軾往見之。常出至風篁嶺。左右

驚曰。遠公復過虎

關據集常為溪矣二室

辯才笑曰。杜

子美不云乎。與子成二老。來往亦風流。因作亭嶺上。名之曰過溪。亦曰二老。謹次辯才韻。賦詩一首。眉山蘇軾上。日月轉雙轂。古今同一邱。惟此鶴骨老。凜然不知秋。去住兩無礙。

天人爭挽留。去如龍出口。雷雨卷潭湫。來如
珠還浦。魚鼈爭駢頭。此生暫寄寓。常恐名實
浮。我比陶令愧。師為遠公優。送我還過溪。溪
水當送流。聊使此山人。永記二老遊。大千在
掌握。寧有離別憂。元祐五年十二月十九日。
第三黃庭堅尺牘并詩二幅半。縱八寸一分。
首幅橫一尺四寸六分。次幅橫一尺一寸九
分。半幅橫八寸九分。行楷書。昌州使君景道

宗口秀也。往余與公壽景珍游。時景道方為
兒童嬉戲。今頽然在朝。班思公壽景珍不得
見。每見景道。尚有典刑。宣州院諸公多學余
道點書。景道尤喜余筆墨。故書此三幅遺之。
翰林蘇子瞻書法娟秀。雖用墨太豐。而韻有
餘。於今為天下第一。余書不足學。學者輒筆
悞。無勁氣。今乃舍子瞻而學余。未為能擇術
也。適在慧林為人書一文字。試筆墨。故遺此。

不別作記。庭堅頓首。景道十七使君。五月七日。九陌黃塵。烏帽底。五湖春水。白鷗前。扁舟不為鱸魚去。收取聲名四十年。甌社湖中有明月。淮南草木借光輝。故應剖蚌登王室。不若行沙弄夕霏。右奉呈外舅孫莘老。小黠大癡螳捕蟬。有餘不足變憐蛇。退食歸來北窓夢。一江春月趁魚舩。桃李無言一弄風。黃鸝惟見綠毵毵。人言九事八為律。儻有江船吾

欲東。右歸自門下後省卧鬴池寺書堂映日
低風整復斜。綠玉眉心黃袖遮。大梁城裏雖
罕見。心知不是牛家花。九疑山中萼綠華。黃
雲承轡到羊家。真筌蟲蝕詩句斷。猶託餘情
開此花。仙衣辟積駕黃鵠。草木無光一笑開。
人間風日不可耐。故待成陰葉下來。湯沐冰
肌照春色。海牛押原作壓改簾風不開。直言紅塵
無路入。猶傍蜂鬚蝶翅來。右和王仲至少監

詠姚花四首用其韻鈴印一山谷道人溫

草等題

草頭與德麟游。頗聞元祐諸公言行之緒。及茲竭來臨漳。路值趙昌叔。相與款愛。因出示山谷道人與其先麻丹陽君往來書帖。又詩詞想見前脩風流餘韻。而青公子樂善。文之高致也。丹陽君德麟之兄。而昌叔德麟猶子也。然則好事喜賓客。蓋有家範云。溫草叔皮父。漢武故事曰。上起神屋。以珠為簾箔。玳瑁押之。東坡詞云。銀蒜押簾。此山谷改壓簾作押簾之自來也。溫叔皮字畫亦蒼老。嘗為尚書郎。著瑣綴錄。連索立儒書。醕池寺書堂詩云。人言九事八為律。立儒讀主父。能傳上書。

言九事其八事為律令一事諫伐匈奴併識
奏後 谿翁續得山谷題前定錄等八詩小
點大癡蛇捕蟬二篇居其中遺趙景道者小
字送李伯牖者大字余無而有之於好古博
雅不曰徒費光陰矣寶佑甲寅中秋日書鈴
印二瓢飲居士建寧堂主立儒
光風轉蕙汎崇蘭些此山谷先生小楷氣象
石湖居士題
謹按是蹟見珊瑚網題跋印記脂分後又有
都穆跋失去其所云曹似道三印宋元三官
印宋人三跋皆與此同亦見書畫彙考溫華
石城人

第三米芾尺牘一幅縱九寸一分橫一尺二
寸五分行書芾篋中懷素帖如何為長安李

氏之物王起部薛道祖一見便驚云自李歸
黃氏者也希購於任道家一年揚州送酒百
餘尊其他不論帖公亦嘗見也如許即併馳
上研山明日歸也更乞一言希頓首再拜景
文隲公閣下有鮮于樞題

南宮天機筆妙。鈐印一。伯機印重。

第四米芾尺牘一幅并詩縱八寸八分橫九
寸八分行書芾非才當劇咫尺音敬無然比

想慶侍為道增勝小詩因以奉寄希聲吾英
友蒂上竹前槐後午陰環旁注繁壺領華胥屢
往還雅興欲為十客具人和端使一身閒

第五米蒂尺牘一幅縱九寸二分橫一尺四
分行書聞張都大宣德權提舉榆柳局在杞
者儻蒙明公薦此職為成此河事致薄效何
如蒂再拜南京以上曲多未嘗淺又以明曲
則水逶迤又自來南京以上方有水頭以曲

折乃能到。向下則無水頭。此理是否。

第六米芾論書一幅。縱七寸八分。橫一尺一寸五分。草書。草書若不入晉人格。却徒成下品。張顛俗子。變亂古法。驚諸凡夫。自有識者。懷素少加平淡。稍到天成。而時代壓之。不能高古。高閑而下。但可懸之酒肆。詈尤可憎惡也。

謹按是蹟見書畫彙考八九帖內。

第七。蔡襄尺牘一幅。縱七寸九分。橫八寸四分。分行楷書。澄心堂紙。一幅。潤狹厚薄堅實皆類此。乃佳工者不願為。又恐不能為之。試與厚直莫得之。見其楮細似可作也。使人只求百幅。癸卯重陽日襄書。

題籤

御筆。

宋四家真蹟

品神

鈐寶二。

御賞。

乾隆宸翰。

收傳印記。封悅生司印。

半

提領措置會子庫。

印。福建路提舉司之印。提舉福建路稅。印。景
道進德齋記。鮮于鮮于樞伯幾父子孫保之
為善最樂。爵李和審定真跡。華雪齋堯封水
竹家谿口堂。園公寄傲。項元汴印。子京父印
墨林祕玩。項元汴氏審定真蹟。退密墨林生。
子孫世昌。神奇六藝之圖。西楚王孫。項墨林
鑒賞章。沮溺之傳。墨林堂。世外法寶。神品墨
林。懶叟游方之外。墨林父逸民。惠泉山樵。項

于京家珍藏桃花源裏人家煮茶亭長會心
凌頂氏子京墨林研癖墨林外史子京癖茶
居士長病仙頂墨林父祕笈之印虛朗齋博
雅堂寶玩印墨林項叔子章樵李項氏士家
寶玩沮溺之傳天籟閣廷書印印制河沈氏
鼎禮彥敬印黃琳美之琳印陳定印陳氏家
藏陳定郭□虎真寶印鴻緒之印儼齋書印
寶晉山房鴻緒儼齋祕玩賜全園主人子孫

永保雲間王儼齋收藏印王儼齋監書法書

名畫

謹按是冊八帖俱列入

墨妙軒法帖

趙氏尺牘三帖 一卷

本幅素箋本三幅縱同一尺第一幅橫二尺
弟子趙孟頫和南上記中奉和尚吾師侍者
孟頫竊祿叨位日逐塵緣欲歸未能南望馳
企以中來得所惠書審道體安穩深慰下情
遠寄沈速香桮切至意拜領感激難勝以中
後得報知吾師頗苦渴疾欲挽以中過臘堅
不可留謹發其迴今想已平復聖旨已得碑

文都已圓備。就有人參一斤。五味一斤。拜納。何時南旋。臨紙馳情。老妻自有書。不宣。弟子

趙孟頫和南上記中峯和尚。吾師侍者鈐封

和尚上中峯和尚。吾師侍者弟子。趙孟頫印。第二幅橫

一尺八寸道昇和南拜覆本師中峯大和尚

法座前。道昇今春末有俊首座來。承賜書如

見頂相。且知道體安穩。不勝慰喜。又蒙頒惠

香珠。領次尤增感佩。道昇常切思慕。欲拜侍

傍雲泥阻間。此心惟有拳拳耳。今因俊兄回。
謹拜此書。就有青羅頭帽一枚。白布手巾一。
幅。侑書拜納。不直一笑。聊表數千里之誠切。
望本師大和尚大發慈悲。笑留萬幸。道昇歸。
心切切。度日如年。未知拜侍定在何日耶。更。
宜珍愛。加餐不備。戊午十月十一日。女弟子。
道昇和南拜覆。鈴封。安家書。和南拜覆本師。
中峯大和尚。女弟子魏國夫。
人。管氏道昇謹封。鈴。第三幅橫二尺。弟子雍。
印。一。魏國夫人趙。

和南泣血拜覆師父中峯大和尚法座前。雍
不幸五月十日。母親薨於臨清舟中。日夜哀
號。不能自存。扶柩至家。忽俊都文來過。蒙慈
念特賜厚奠。不勝感激。及蒙遠勞逆流長老
對靈懺悔。點化存沒。均拜大德。非今生之所
能報也。更望和尚慈悲。時為開道。使無滯幽
冥。幸甚幸甚。此人子之至情。故敢冒瀆於和
尚耳。七月廿三日。月千江持至法語拜誦之。

餘專此上復不謹涕淚悲泣臨紙馳情伏冀

順時保愛道體不備七月廿三日弟子雍拜

覆師父中峯大和尚法座前

鈴封泣血和南拜覆師父中峯

大和尚法座前弟子趙雍謹封

引首

右軍正

鈎

篆

乾隆十有八年歲在

癸酉孟春之吉補籙外史沈鳳書額時年六

十有八鈴印六沈郎石壽凡民烟雲供養老

大自憐心尚在秉德堂圖書印

後幅前人題跋

趙文敏公之重釋氏之師德猶宋之蘇文忠公也。文忠公之道德文章名冠天下而未嘗輕一僧。雖穎沙彌之至如憐其天資秀慧。惟有莫進而已。亦弗肯眇其初也。至如辨才法師。佛印禪師。靈芝律師。華文忠公。以書簡往來。言詞謙抑。問慰勤重。詎敢小易耶。蓋公聰明照了。眎世間名位利祿如土苴。故能於林泉枯槁寂泊之士。親厚猶骨肉也。中峯和尚居天目山。眼空四海。與木石為伍。故指紳大夫士多敬慕。而文敏交尤密。凡奉書必稱弟子。稱中峯為吾師。其夫人管道昇稱本師。其子雍稱為師父。文敏夫婦子皆稱中峯為師。或言文敏詣於中峯。愚以中峯一僧爾。文敏謂之。無所求也。無非重中峯之道也。管道昇

能書而未見其能文。此書必文敏代脩詞也。如文忠公與夫人旌德縣君王氏兒代書與福應真大師耳。噫。今之從儒者。才請教本書。義理尚未通解。便學排佛毀僧。蓋可笑也。文忠文敏二公。與釋氏師德交厚。猶膏肉。又能盡禮盡敬。豈不為通儒也哉。能仁養僧。滄吏以此三帖請題。故為書此。永樂二年。倉龍甲申冬十月廿又七日。太子少師姚廣孝。鈐印二。太子少師姚廣孝圖書。壽椿堂。趙文敏書法感傳。學者亡慮千百家。世人罕見真蹟。得其屑本。輒於為奇貨。已見不滿人意。又目公為俗筆。不知出公腕中。即漫不經意。猶具八法。今觀其妻與子書。而爾矣矣。乃欲輕詆公書。真可謂不知量矣。至其父子飯依。稽首老僧。內及閨人。亦稱都養。今今世士大夫為之。能無撫掌厭嘲於戲。此我遠其書。

學至淺。覓解書人猶不可得。無生法忍平等。法門。何貴於知德之鮮也。萬曆八年中秋十日。吳郡王世懋書於豫章吏隱齋中。鈐印。三。王世懋印。敬美甫捐齋居士。趙承旨與婦魏國管夫人。子仲穆總管。各有寄中。奉禪師書一通。吾弟敬美得而寶之。又為志之。計中奉所得趙公家年人。故不止此。公行狀稱元祐帝。及太后愛公翰墨。有應制。則命管夫人與仲穆副其體。而藏之秘閣。曰。今後世知子昂父子夫婦。皆工八法也。人王法王。後先欲得公筆作藏寶第。公可辦心香。別寓幻住菴久矣。逃匿老人何用復哢哢。為空門飾蛇足。然老人書亦自道城。堪與幻住。守衣鉢。惜乎元失計。稱青宮少師。敬美題後。之一。廣世自書於大衆同室中。鈐印二。元美。志信道人。

鑒藏寶璽

全八

收傳印記
幾暇珍玩御前之寶敬美印

謹按兩祖樓書品載趙承旨吳婦魏國管大
人子仲穆總管三札各寄中奉祥師者印此
改載弁州續稿

唐宋名蹟一冊

本幅絹本。十對幅。第一。方式。縱八寸四分。橫六寸九分。籤標關仝兩峯挿雲。設色畫雙麓喬松。上寫雲氣。第二。圓式。徑七寸二分。籤標李昇岳陽樓圖。水墨界畫樓景。楷書范仲淹樓記。見養心殿所藏四朝選藻冊。款。右岳陽樓記。無名款。第三。橢圓式。縱七寸三分。橫七寸七分。籤標李成捕魚圖。水墨畫岸樹漁舫。第四。圓式。徑

八寸。籤標高克明秋林水鳥。淺設色畫紅樹沙坡。鳥飛成隊。第五方式。縱橫俱六寸。籤標蘇漢臣貨郎圖。設色畫市擔羣嬰。第六方式。縱七寸八分。橫八寸三分。籤標劉松年松下納涼。淺設色畫松陰油幕。一人據榻。侍執事者二人。第七方式。徑七寸六分。籤標馬遠秋山羣雁。設色畫峯頭雁陣。一人坐坡。迥睇。第八方式。縱七寸。橫七寸八分。籤標馬遠松

風樓觀。水墨畫松陰層閣。臺俯遠阜。款馬遠。
上。第九。方式。縱九寸四分。橫九寸五分。籤
標陳居中。平原試馬。設色畫奚官雙馬。一騎
一控並馳。第十。圖式。徑八寸。籤標惠崇春湖
放鴨。水墨畫柳塘鳬鴨。孤艇追呼。對幅。金粟
牋本。尺寸各如畫幅。

御筆分題行書。

兩峯壁處遠山圖。望透渾疑闕玉扉。此是秦中

工簡壯。湧於湖上。認依稀。小將軍號。攬昭道。
湖色山光。會一樓。細筆微茫。難屬目。更誰范記。
補蠅頭。落網漁人。集凍湖。別傳杜句。擅前無。
豪門工技。羞同處。安道當年。志豈殊。明瑟秋。
林水木間。新經霜葉綠。魚殷。畫家欲物。適其性。
棲迴浮輕。各任閒。一擔擔來。百貨饒。爭沽豪。
放聚垂髫。左支右絀。忙不了。弗悟其忙。乃自招。
南方梅暑。忌居樓。松下宜張幕。綠油。謾謾泛。

清涼可愛。寫情妙。屬暗門劉。喬松說石九秋。
蕭策杖伊誰露半腰。回首看他屬目處。似同人
字意俱遙。崇椒樓觀鬱參差。松下開窓望遠
宜。別撰由來具神解。可因畫院槩畧之。騎一
駿復勒一駿。紅衫白髮意從容。問他雙鑠者馬
援。馳向平原可竝蹤。初生春水黃勝綠。放出
鴨雛色不分。欲問蘭亭王逸少。相看何異彼鵝
羣。己亥暮春中澣御題。每幅分鈐寶。得象外

意。乾隆宸翰。含英咀華。淑芳潤。落花滿地皆文
章。吟詠春風裡。研露筆。花春雨。游六藝園。即事
多所欣。寓意于物。落紙雲烟。如水如鏡。朝日輝
垂露。烟雲舒卷。觀書為樂。陶冶賴詩篇。乾隆。

鑑藏寶璽

八璽

古希天子。八徵耄念之寶。

收傳印記

真賞

印

秘

印

子孫

印

公

丹誠

印

耿信公

印

信公

珍賞

口

不可辨

楊

葉氏文府

永存

珍秘


印

口

印

印

謹按岳陽風土記。岳陽樓。下瞰洞庭。景物寬闊。唐開元四年。中書令張說。除守此州。每與才士登樓賦詩。自爾名著。李昇乃王蜀畫工。時已唐末。其寫樓景。宜也。宋滕宗諒重修樓。范仲淹作記。乃仁宗時事。蓋後人因昇畫而書記于右耳。恭讀御製。有更誰范記補蠅頭之句。辨析時代。以兩字見之。最為明確矣。詩集且系注云。考岳陽風土記。唐開元時。已有岳陽故昇圖之。范仲淹作記在後。幘中蠅頭書無名疑。不知何人所作。幘內不書。謹附錄。



藝苑藏真 二冊

本幅二冊二十三對幅第一冊第一絹本圓
式徑七寸八分籤標宋宣和果蓬秋紋設色
畫栗一枝有徽宗押鈐印一御書第二絹本
圓式徑七寸八分籤標周文矩水榭看鳧設
色畫仕女凭闌水中鳧浴侍者二人第三絹
本圓式徑八寸籤標黃筌蘋果山鳥設色畫
蘋果枝棲翠鳥第四絹本橢圓式縱七寸一

分。橫七寸三分。籤標郭忠恕蘭亭禊飲設色
畫永和脩禊事。第五絹本。橢圓式。縱八寸二
分。橫八寸七分。籤標徐崇嗣枇杷綬帶。設色
畫枇杷果一枝。樓綬帶鳥。第六絹本。橢圓式。
縱七寸八分。橫八寸二分。籤標易元吉喬柯
猿挂。水墨畫古樹一株。獼猴三。第七絹本。圓
式。徑九寸一分。籤標張敦禮閒庭蹴踘。設色
畫樹下二人蹙蹙旁觀者三人。一持扇。第八

絹本。橢圓式。縱八寸。橫八寸三分。籤標趙伯
駒風箬展卷。設色。畫松下敞堂。榻中倚坐展
書。後窓侍女二人。庭前曲檻。童子二。第九。絹
本。橢圓式。縱七寸。橫七寸七分。籤標馬和之
柳塘鴛戲。淺設色。畫垂柳雙鴛。第十。絹本。方
式。縱八寸九分。橫九寸四分。籤標李唐坐石
看雲。水墨。畫喬松怪石。雲幕崖顛。兩人坐磐
石上。昂首。第十一。絹本。方式。縱七寸八分。橫

七寸六分。籤標李迪穀豐安樂淺設色畫穀
穗。鶻鶻。第十二。絹本。圖式徑八寸二分。籤標
林椿秋晴叢菊。設色畫菊。款林椿第二冊第
一。絹本。橢圓式。縱八寸。橫七寸八分。籤標林
椿山茶霽雪。設色畫帶雪山。山茶一枝。第二。絹
本。方式。縱八寸七分。橫八寸。籤標劉松年茗
園賭市。白描畫茶擔二。市者。暇者。觀者。八人。
第三。絹本。橢圓式。縱七寸九分。橫七寸六分。

籤標李嵩松塢延賓。水墨畫林木陰翳村落
參差門前二人揖讓。第四絹本橢圓式縱七
寸一分橫七寸六分。籤標馬遠河干虛閣。水
墨畫水天空濶閣倚樹根。第五絹本橢圓式
縱七寸五分橫八寸。籤標馬遠柳汀放棹。水
墨畫水際垂楊去舟正發。第六絹本方式縱
七寸五分橫七寸七分。籤標馬麟臨溪放龜。
水墨畫毛寶事。楷書臨溪放龜。第七絹本圓

式徑七寸四分。籤標魯宗貴蜀葵引蝶設色
畫葵一株雙朶飛蝶一第。八絹本圖式徑六
寸五分。籤標年益茸坡促織水墨畫秋叢草
際促織二第。九絹本方式縱七寸七分橫七
寸九分。籤標惠崇秋野盤雕水墨畫竹樹淺
草上有雕下擊草間兩雉欲竄第十。絹本欄
圓式縱七寸九分橫八寸二分。籤標錢選秋
芳鳥語水墨畫菊坡立鳥第十一。宋版本圖

式徑七寸八分。籤標王振鵬仙閣凌虛界畫樓閣人物對幅金粟牋本。尺寸如畫幅。

御筆分題行書

涵院秋風金氣披。亞蓬栗子熟垂垂。設云隱寓危懼意。吾謂宣和未此思。欄曲軒虛俯碧湖。水中人影自相呼。孰云必妬入宮者。也有閒情看野鳬。大顆蘋婆遇秋熟。山禽背立恨難銜。道元畫可闢。拊拍卓識應知有不凡。永和三

月暮春初佳話千秋。還有餘却是為圖傳實者。
勝他辨帖議紛如。叛為沒骨自稱高。寓意植
飛任汝曹。莫謂熱中紛有作。太原早著爵輪袍。
四足走勝兩足飛。怪圖猿挂發靈機。豈妨墮
落仍翻上冷眼。旁觀識彼微。趙家戚里多工
繪。張姓連天不讓王。習氣微嫌存富貴。錦鞵繡
帶滿毬場。常言開卷胥有益。其益公私亦自
殊。不識風簷沉思者。心於為己為人乎。柳枏。

弱線池翻藻。戲水文鴛實樂哉。趣中畫外多風雅。三百篇曾脫稿來。甫對松間見藹藹。遂看

谷口漸披披。可知孰勝他人處。能寫望雲在起

時。鴿稱安復穀稱穰。作者心應喻吉祥。我獨

恭人憶小宛。致其時實鄙周王。花情葉意總

含清。擅勒偏教獨擅名。掩映底須為五柳。其人

不見定淵明。乾隆辛亥初秋御題。右第一冊早

稱花草擅錢唐。喻擬青藍師趙昌。榛自禁寒雪

自積紅紅白白正相當。由來茗飲事之清市。
賭何當似頡頏。三倍湧嗤近利輩。門茶已見賦。
唐庚。門揖賓來階左通。無差絕墨本曾工。公。
輸巧必以規矩。何事不談是語中。幾間軒閣。
倚河邊。一片虛明水接天。責實循名真不愧。喜。
他意在筆之先。平水風輕不作波。行行柳岸。
遠烟過。舟中底用竿絲置。想厭漁人事已多。
丹青雖遜父之工。別裁相看致不同。有悟南華。

篇十七。放龜曳尾任泥中。弗黃那解向陽事。

染紫似存奪赤心。缺蝶兩般都不識。蛸飛祇趁
開中尋。在野恰當七月時。茸坡相門復相嬉。
擣衣長卷向披詠。放卷總含無盡思。鷺鳥盤

空意氣揚。野禽敲鍊計深藏。寫生雖具傳神筆。
以曰僧規却不當。不合子昂品獨異。足知執
苑有人來。作圖敢反考功意。鳥語秋芳意自高。
界畫由來巨擘居。瓶成樓閣迥凌虛。欲咨世

上求仙者。漢武秦皇視此如。乾隆辛亥初秋
御題。右第每幅分鈐寶八徵耄念之寶。自強不
怠。

鑒藏寶璽

八通全

收傳印記。點寧府書畫印。晉府圖書珍玩。半印

點寧王子孫永保之士。口。半印鼎元。半印收藏。半印

天祿永昌。又半印二不可辨。

謹按徐崇嗣。熙之孫。創造新意。不華不墨。盡色清染。疏浚骨花。見夢溪筆談。馬達達之兄。

工山水人物花果禽鳥。渲染極工。凡圖繪實
鑒。

歷朝畫幅集冊 一冊

本幅六對幅。第一縱七寸六分橫一尺一寸

二分。畫絹本。籤標李成瑤峯琪樹。水墨畫高

山雜樹。灑粉作雪。畫綠牋本。董其昌題。宋元

作無季論此圖乃營邱真蹟。雲峯石色。迥出
天機。筆端亦駭馳荆浩。淳古之極。米公見之

當入寶章待訪錄矣。董其昌第二縱八寸八

分。橫八寸三分。畫素牋本。籤標惠崇秋浦雙

鴛。淺設色。畫敗荷蘆岸。鴛鴦雙浴。畫素牋本。

前人題

館娃宮畔百花洲。常侍君王此處遊。
一夜秋香零落盡。至今沙鳥亦含愁。

宣城貢穎之

鴨嘴灘頭雙野鳬。敗荷顏色

錦糝糊

分明一段江南景。却向人間作畫圖。

張田

酒蓮香盡綠波秋。錦羽雙棲得自由。

日暮菱歌聲斷處

美人正在木蘭舟。遠磬

秋雨更秋烟

相將日暮天。最憐沙上鳥欲卧

不成眠

王行涼風吹南湖。綠水澹秋影猶

有雙鴛鴦

飛鳴兩相竝。蓮舟人不來。芳期隔

烟暝

森森白蘋洲。王孫舊所遊。那堪搖落後

沙鳥亦含愁

迎青西湖月蛾眉

度秋獨醉生

鈴印一周爵之印

第三縱八

寸一分橫七寸七分

綃本籤標馬麟暗香疎

影設色畫竹外梅花書宋牋本陳塗題

德性

養成

自天全。節操冰霜久耐堅。一燕真心如鐵。第
石老梅香韻自年年。陳壽鈴印一。用泉

四畫圓式徑八寸二分。絹本。籤標林椿花木

珍禽。設色畫花下孔雀二。書縱八寸七分。橫

八寸。羅紋牋本。楊維禎書。絕俗特行似居士
屬幽棲知止似退

老亭王門相府可出入乎朱紫玉樓金殿聊
游戲乎丹青人謂集賢有台當鳳翔乎昆命

之穴不知書畫有舫迺紅貫乎太陰之精者
也。錢龍道人鈴印三。夢外夢人。廬夫。會稽楊

維禎印。第五畫縱八寸二分。橫七寸八分。宋牋

本。籤標周元素淵明逸致。白描畫陶潛扶醉

像款。元素鈴印二。自賴生。周元素書。縱七寸。

橫七寸五分。素戕本。張口書。五柳先生傳。陶

何許人也。亦不詳其姓字。宅邊有五柳樹。因

以為號焉。閒靜少言。不慕榮利。好讀書。不求

甚解。每有意會。便欣然忘食。性嗜酒。家貧不

常得親舊知其如此。或置酒而招之。飲無盡

期。在必醉。既醉而退。曾不吝情。去留環堵蕭

然。不蔽風日。短褐穿結。簞瓢屢空。晏如也。常

著文章自娛。頗示已志。忘懷得失。以此自終

贊曰。黔婁有言。不戚戚於貧賤。不汲汲於富

貴。極其言斯若人之傳乎。酣觴賦詩。以樂其

志。無懷氏之民與。葛天氏之民與。鈴印一張。

曰。第六畫。縱一尺二寸。橫七寸。宋戕本。籤標。

錢選野芳拳石設色畫石側玉簪竹花上有
游蜂款大德七年三月吳興錢選舜舉鈐印
一。舜舉書縱九寸七分橫五寸三分素牋本
柯九思書西山有美木。鬱鬱含春暉。人生本
性善。混混原民彝。萬古不可改。外
物或蔽之。倚歎陳氏史。守善樂無涯。板輿奉
鶴髮兄弟相愉怡。花朝與月夕。萬象亦熙熙。
丹邱柯九思題鈐印三錫
訓柯敬仲氏組真齋上標金粟牋

御筆分題行書

著粉為雪色猶看唐法存惟舒性情曠豈走勢

豪門山靜人絕跡。林寒鳥不喧。香光笑顏米。無

李若能論

右李成瑤
岑琪樹

秋浦兩鴛鴦。雙棲不改

常。蘆蒼垂白冷。荷敗罷紅芳。似喜弗離別。奚曾

應稻梁。上人出家者。此畫却無當。

右惠崇秋
浦雙鴛

林句原鄉衆。何人不願為。影疎水淺處。香暗月

昏時。自是詩中畫。茲為畫裏詩。乃翁著筆否。猶

此致然疑。

右馬麟時
香疎影

未知牛有角。可亞鳳棲

桐。芳草雙遊綠。名花偏傍紅。晨鳴相和兩。午舞

獨稱雄。不以開屏麗。何當入檻籠。右林椿花
木珎禽

元素自耘生。畫家不著名。想當愛高逸。所以慕

淵明。五斗本無羨。東籬覺有情。寫時酒氣勃。爭

坐擬真卿。右周元素
淵明逸致 藝苑號多能。伯時具體

稱。簡圖披小幅。說偈似高僧。硯石峭從減。寒花

朶不增。却教蜂四五。飛繞惜難勝。右錢選野
芳拳石

丁未仲秋月之中澣御題。每幅分鈐寶。乾隆宸

翰。幾暇怡情。得佳趣。中和會心。不遠德充。符寫

生。古稀天子。猶日孜孜。

鑒藏寶璽

八璽

古希天子。八徵耄念之寶。

收傳印記。趙孟頫印。仰不愧。俯不忤。二樂也。

沈周寶玩。启南。何元朗氏希之。黃雲。吳廷寶。

藏天籟閣。退密。項子京家珍藏。項元汴印。墨。

林山人子孫世昌。子孫永保。神游心賞。淨因。

菴主。墨林秘玩。清白傳家。平生真賞。寄傲子。

京父印。項墨林秘笈之印。項叔子珍秘。宜爾。

子孫丹誠都尉耿信公書畫之章信公鑒定
珍藏真賞信公真賞會侯珍藏琴書堂千山
耿信公書畫之章公耿嘉祚印怡親王寶湛
思

按王行字止仲長洲人有半軒楮園二集
入明史文苑傳陳鑒字子魚吳縣人嘉靖戊
戌進士仕至四川省布政

墨林拔萃 一冊

〔本幅〕推蓬式八幅。第一絹本。縱八寸六分。橫一尺二寸五分。籤標鄭法士讀碑圖。水墨畫魏武帝觀曹娥碑故事。第二絹本。縱九寸八分。橫一尺三寸八分。籤標韋偃雙騎圖。設色畫人馬各二。竝鞅馳上題唐貞觀年韋偃畫。八分。無名款。第三絹本。縱一尺。橫一尺五寸五分。籤標戴嶧逸牛圖。水墨畫牛二。奔蹏抵

觸第四絹本。縱九寸四分。橫一尺五寸五分。
籤標張萱明皇合樂圖。設色畫明皇卧吹簫。
宮娥坐侍者一。立而歌者二。執茗托紈扇者
二。第五素牋本。縱九寸三分。橫一尺五寸二
分。籤標黃齊烟雨圖。水墨畫平山雨暗。邱際
瀑流。第六素牋本。縱一尺二分。橫一尺六寸
六分。籤標趙孟堅歲寒三友圖。水墨畫松竹
梅皆折枝。鈐印二。子固。彝齋。第七宋牋本。縱

七寸三分。橫一尺五寸八分。籤標曹知白遠
山疎樹圖。水墨畫雜樹小邱。遙山天際。款。至
正廿又二年。作於常清靜齋。知白鈐印一。雲
西老人。第八。素綾本。縱九寸。橫一尺五寸八
分。籤標方從義惠山舟行圖。水墨畫數峯峭
削。小舟張帆。岸樹中橋。約行人隱現。款。至正
戊子十月。過訪白雪先生。舟次惠山。作此。奉
贈碧溪道友。方方壺鈐印二。方壺書印。周大

夫方叔之後

鑒藏寶璽

全璽

收傳印記司印印半口密蘭口嗣祖白進章印墨

泰卦印墨米口元泉石口奉華堂印晚翠軒太

原柯九思訓忠之家榮昌珍玩四代相印吳

氏彥良樗隱希世之珍希世秘篋韓世能印

雷浚大榮希之薛君采氏奇品印瓢松石半生

真賞審定真蹟子孫永保無聲詩項元汴印

子京父印。天籟閣。子京所藏。項墨林鑒賞章。
式古堂書畫印。令之清玩。仙客。又三印不可
辨。

謹按鄭法士讀碑圖。宣和畫譜凡四。又見賈
似道悅生別錄。戴嶧逸牛圖。亦見宣和畫譜。
此冊中鄭法士。韋偃。戴嶧。張萱。黃齊。曾知白。
六幅俱見。書畫彙考。歷代寶繪集冊中。方從
義一幅。見書畫彙考。歷代名畫大觀冊中。鄭
法士。周大都督。左員外侍郎。入隋。授中散大
夫。師張僧繇。當時已稱高弟。尤長於人物。見
宣和畫譜。韋偃。京兆人。寓蜀。善畫山水。竹樹
人物。思高格逸。居閒嘗以越筆點簇。人馬見
唐朝名畫錄。戴嶧。嵩之弟。亦以畫牛得名。見

圖繪寶鑑黃齊字思賢建陽人北宋兵部侍郎見宣和畫譜

元人舊蹟一冊

本幅紙本。十五幅。第一縱七寸八分。橫一尺八寸。趙孟頫行書尺牘。孟頫再拜。萬戶相公尊親家坐前。孟頫頃承舟從枉顧邱園。自惟貧家。無以將接。至今以為愧。別來伏計尊履勝常。孟頫三月間還城中。賴底苟安而已。衡竹所入道。為中山建道院。持䟽門牆。得蒙慨然。至幸至幸。前者欲從夢塘回。舊花竹戴。

勝已得許諾。又張萬戶處有洛神賦後節。二者併望用情求至。不勝拜賜。不宣。四月廿五。

日孟頫頓首再拜。

鈐封家書再拜萬戶相公尊親家。忝眷趙孟頫謹封。

鈐印一。趙子印。

第二。縱六寸八分。橫一尺二寸五分。虞集行。

書尺牘。集頓首再拜。集伏審博士學士榮上。

適苦創。不及入閣奉賀。千萬勿罪。二畫贊托。

經筵掾持上。望為分付。幸甚。明日觀遊城。恐。

院中難聚。更告為請假一二日。拜賜多矣。集
頓首再拜。丹邱博士公左右。

第三。縱九寸。橫一尺三寸九分。宣昭行書尺
牘。昭頓首再拜。九成隱君先生契兄侍史。前
日承枉顧。且辱惠貺。深佩賢主賓眷愛之厚。
感愧何以為喻。近知府自平江回。蒙平章周
參面命其事。復舉足以少振衰懦。今日再往
城中。但區區久客於此。廩篋俱空。幸於賢主。

翁處一言得垂濟及幸甚非恃契厚不敢干
瀆如此惟鑒亮之不具宣昭頓首再拜伯和
歸未會間乞致意不及奉賢主翁書幸請罪
昭又拜

謹按宣昭字伯和號艮齋漢東人博通古今
尤精翰墨見書史會要

第四縱八寸六分橫一尺二寸六分郭昇行
書詩天仙翦碎赤城霞粧綴西湖第一花豔
冶似嫌姿淡泊風流還是影橫斜肯隨桃李

爭春色。甘與松筠伴歲華。認杏辨桃吾不識。
可憐流落共天涯。歎吳興錢舜舉畫紅梅。翰
林承旨趙公書坡詩於後。可謂二絕。臆源巡
吏郭昇賦小詩以繼之。昇京口人。字天錫。鈴
印二。朱方郭昇郭昇天錫。

第五。縱九寸四分。橫一尺七寸。馬治行書樂
府三首。楊白花。楊白花。飄飄向何處。江水長
天不見人。誰道深宮解飛去。飛去宮深奈爾。

何。沈沈春樹暮。啼鴉恨難言。楊白花打麥辭。
打麥打麥。聲滿山南與山北。芒梢苦短麥穗
微。去冬無雪麥不宜。晴天打麥須及早。曬來
晒口藏方好。倘經陰雨便飛蛾。官罷爭知長
幾多。場頭鳥雀莫教喫。明年待收任狼藉。米
茶辭。新雷過山雲日暖。槍旗未開芽尚短。竹
釵女兒行且歌。筐中摘得比誰多。歸來焙房
香撲鼻。上品先呈縣官試。巾鹿滿籠不敢嘗。

價高賣與湖南商。山家未嘗知力穡。採茶供
官作衣食。欸文靖相見。令錄舊詩。填紙空耳。
治。

謹按馬治字孝常。宜興人。初為沙門。洪武時
終建昌知府。有荆南倡和海漁集。

第六縱九寸五分。橫一尺三寸七分。朱德潤
行書尺牘。德潤頓首再拜復。季實教諭即翰
學宣除春中王達善山長過吳。曾奉書去。茲
承來翰見答。乃知文旆尚留寧國。方榮甫來。

具審履候康勝。且有元墨之惠。領外多感。今就封去。畫大小四軸。郭熙風雨圖。雙幅。雪霽山行。雙幅。許道寧獨幅。二軸。至望目入便中。更乞回字。以慰遠懷。專此以復。將命。餘容面領。以盡不宣。四月廿一日。朱德潤頓首再拜。

鈴封。頓首再拜。復吳李實教諭。即宣徐。朱德潤謹完。鈴印一。朱澤民氏。

第七。縱九寸。橫一尺一寸三分。饒介行書尺牘。介白。抱疾衡門。忽辱車騎枉顧。獲瞻顏色。

殊慰久懷。復一集亦足矣。第以不能走謁為
歉也。半粉林漿聊以為禮。雖不足具從人一
供。倘勿以訝而留之。甚幸甚幸。干瀆清嚴。餘
俟面雪。不具。介再拜。白士行國士先生侍史。
廿七日謹空。

第八。縱九寸一分。橫一尺六寸。楊維禎行書。
尺牘。維禎再拜奉復。理齋明府相公閣下。僕
客雲間。每於別駕。顧公座上。談及州縣之職。

博教厚俗惠以及民禮以加土而明允以平
獄訟未嘗不以閣下為首稱非特為吾道喜
實為世道慶也未幾文中錄到先賢祠狀謁
文為志於是樂書其事實補盛朝缺典伯融
涉海來出書稱謝魚有潤毫之禮登領不勝
愧感文齋真樂弓子嗣容續筆付文中的便
送上也伯融回舟甚速不可留姑此年復不
宣十月廿有六日客松庠主文抱遺叟楊維

楨再拜

鈴封。理。齊。明。府。閣。下。又。半。字。楊。維。楨。印。鈴。半。印。一。夫。

第九縱九寸三分橫一尺三寸張雨行書詩
并引室邇人遠疎濶罔記歲時篇詩猥及佳
筆與俱感佩齒錄之厚是夕風雨牽課次韻
不足仰酬先施所以傾寫鄙懷亦至矣惟改
容降禮稍垂顧覽衰朽不任幸甚張雨上聞
止徵君閣下烟雨湖頭暗雨峯澹妝西子若
為客平生自信千金帚老疾難勝百罰鍾豈

有勝情如許。掾只輸豪氣與元龍。鐵心把筆。
猶能賦。羞比門牆桃李穠。歟。己丑至正九年。
四月十一日夜二鼓書。鈐印二句。曲外史。崇
國世家。

第十。縱九寸八分。橫一尺九寸六分。僧守仁。
草書詩。倦遊未卜一枝安。却喜登臨賦考槃。
鳥度雲屏山九疊。雞鳴塵海日三竿。長齋飯。
顆充齋軟。廣舌溪聲入夢寒。富貴逼人頭。易。

白。如何元亮不休官。藕花風起晚涼多。高據
胡牀聽棹歌。芳草不歸支遁馬。白沙惟見右
軍鷺。人家隱隱連桑柘。僧梵悠悠出薜蘿。今
夜湘中好明月。相思無奈故人何。款。二章湘
湖上作。書似景東一笑。遇彥昭於啜茗之際。
舉似以道願見耳。幸碧梧能正之否也。鈴印
一。仁一初印。

謹按。守仁字一初。號夢觀。富陽人。四明延慶
寺僧。住持聖隱。有夢觀集。

第十一。縱九寸七分。橫一尺八寸八分。僧祖
瑛行書詩錦箏鳴。王孫風流亦慣聽。銀甲著
弦。雙腕輕。驟如鐵騎衝嚴城。緩如孤鶴唳空
青。新歌舊譜能琮琤。珊瑚擊破玻璃瓶。彩舟
蕩漾烟霧裏。魚龍蟄藏夜潛起。天高孤鴻若
墮怨。竹根山鬼啼向耳。按弦移柱彈未已。樂
極則流庸可止。雍雍之歌在清廟。靡靡之音
來濮水。嗚呼古樂今何不同。世無延陵季子。

觀國風松陵祖瑛上

第十二縱九寸二分橫二尺九分余闕行書
尺牘闕再拜啟史館兩得從遊豈勝榮幸區
區南行又辱盛饒尤其感烈也鄉暑伏想文
苑優游雅候動履多福良慰良慰友人趙子
章北上觀光謹此附謝子章有學而能詩佳
士也得公眄睐當價增三倍矣仲舉至道以
聲景先中夫希元鳴謙諸先生處不及別狀

望致下忱為感。餘惟自重。不具。五月五日。闕。

再拜太樸內翰先生閣下。
鈐封。再拜啟。上太樸內翰閣下。同年。

生余闕謹封。鈐印一。余闕私印。又有至正五年七月十九日至十字。

第十三。縱一尺七分。橫一尺七寸。張宇初行。

書識語。清微之謂道中之法也。以其非復天。

神霄。鄴獄者比焉。而非功行圓融。心法貫妙。

者。其于元降先天之機。會萬於一之理。信能。

造也乎。或冒其名。托其說。以高出衆妙。以自。

誇以驅惑流俗以自蔽而世之盲聾幻妄者
因倚和而鼓倡之亦豈不深可哀歎哉苟知
夫先天不假有為不事符呪而彼感此應若
叩孚鼓以全已之天也豈彼碌碌之足語哉
然世稱傳自雷淵黃公者皆然學者尚必審
其真偽則于道得矣嗣天師無為講鈴印二
無為四十三代天師章

謹按張宇初字子璿廣信人。嗣漢四十三代
天師。賜號無為。有峴泉集。

第十四。縱七寸三分。橫八寸四分。張穀行楷書詩。我昔歸耕溪上田。扁舟來往每流連。多君又向湖濱去。惜別那堪已十年。醉呼紅袖舞當筵。吳下風流記昔年。寂寞朱門人去後。淡烟深雨總堪憐。鶴髮童顏七十翁。席間淡笑每生風。何時月夜來相訪。把酒論文樂未窮。歎余與茂功老兄。不相會面。週十載矣。近因小兒張璉回。併審譙處勝常。深慰深慰。漫

成鄙詩三絕奉寄。少見余別來繾綣之意也。
今棣茂誠兄長處。怡集并道致敬。幸幸。張穀
稿上。鈐印一張穀。

第十五。縱七寸八分。橫五寸五分。王憲楷書。
詩。再用貝廷臣韻。奉呈玉山詩師尊先生。兼
簡睡翁先生。拙翁先生一笑。括口口憲拜。最
愛玉山草堂靜。著書樓遯勝。流沙橋通徐孺
高人宅。路接周顒隱者家。劍氣夜涵滄海月。

丹光曉映赤城霞。近年聞有飛昇術。不懼深
山大澤蛇。玉山小像三詩。未有好趣。不敢造
次題品。幸寬限也。呵呵。鈴印三。王憲叔度父
盤石山房王雲林印。

蓋藏寶璽

八璽

收傳印記。寶父乙子孫陳定。陳氏家藏。蔡汝
南印。蝶禪。虛朗。齋張準之印。張準平我。華氏
印。半磐生吳稼口印。放言神奇。爽溪李口。李珂

雪珍藏。楊李李氏鶴夢軒珍藏記。墨林山人。
墨林嬾叟。天籟閣。墨林。子京。項子京家。
珍藏。子孫永保。項墨林鑒賞章。墨林祕玩。項。
元汴印。懷孺氏退密。合章。生。不可。
耕耨。墨林父。子孫世昌。從吾所好。西疇耕。
耨。墨林。悟軒珍玩。項聖謨印。淨因。研癖。
子京父印。項叔子。桃花源裏人家。聖謨。藍田。
子京所藏。墨林生。六藝之圃。子孫永保。懷王。

軒神遊詳考山林壑遺音子長寄傲詳口詩

齋子京望下氏令之

元五家合繪一卷

本幅素箋本五幅第一縱九寸五分橫一尺六寸八分趙雍水墨畫松蹊流水一人持釣輪欵至正廿年二月既望仲穆畫鈐印二仲穆魏國世家第二縱一尺橫一尺六寸王冕水墨畫梅花一枝欵吾家洗硯池頭樹箇箇花開淡墨痕不要人誇好顏色只流清氣滿乾坤王冕元章為良佐作鈐印二堯章文

王孫 第三縱同前橫一尺六寸五分朱德
潤水墨畫松崖下二人浮艇款醜石半蹲山
下虎長松倒卧水中龍試君眼力知多少數
到雲峯第幾重朱澤民鈐印一朱澤民氏
第四縱八寸一分橫一尺八寸六分張觀水
墨畫秋林獨坐溪水張帆款至正戊戌八月
張觀製 第五縱八寸三分橫一尺四寸方
從義水墨畫兩岸雜樹橋南茅屋一童子方

埽款方方壺作

御筆分題行書。

岸石汀沙水一灣。閣閣獨把釣車閒。雙松平遠
契神韻。似貌伊家伯仲閒。鈎圈畧異楊家法。
春滿冰心雪壓腰。何礙旁人呼作杏。問他杏得
爾清標。畸人間。泛綠溪濱。相權微言不可聞。
便使下風聞一二。赫胥前事那區分。古屋深
林柯葉輟。樂饑高志抗由巢。杜陵點筆成秋興。

且喜西風未捲茅。依林結宇翠陰濃。閉戶經
年客鮮逢。谷口板橋不妨設。叢條都解掃塵踪。
庚辰春日御題。每幅分鈐寶。乾隆宸翰。幾暇
怡情得佳趣。叢雲中心止水靜。比德朗潤。

鑒藏寶璽

八璽

叔傳印記。牙門司馬張洽之印。會稽佳木沈
周寶玩。君寶父印。李履亨。檇李李氏鶴夢軒
珍藏記。醉鷗項墨林鑒賞章。墨林祕玩項子。

京家珍藏項元汴印。平生真賞。棠村審定。蕉
林子孫保之。

明三家集繪 一冊

本幅素牋本。五幅縱九寸五分。橫一尺五寸八分。第一。沈周設色畫竹樹茅亭溪頭獨釣。自題。雜樹陰森苔石淨。遠山倒影鏡湖平。閒來把釣斜陽裏。此老何曾為利名。款。沈周。鈐印一。啟南。第二。沈周設色畫喬松水閣溪岸泊舟。自題。送青排闥山偏好。掠水明沙鳥最閒。眼觀信渠收拾盡。主人只在此樓間。款。沈

周鈴印一。啟南第三。文徵明設色畫松炭雲
岫。停舟坐看。自題。秋日離離木葉稀。秋風獵
獵靜吹衣。晚來雨過添飛澗。移棹長松看不
歸。款。徵明。鈴印三。徵明。停雲。雁門世家。第四
唐寅水墨畫松根把卷。上有雲瀑。自題。獨把
南華秋水篇。坐臨泉石意悠然。紅塵不向山
中擾。醉墨能驅白晝眠。款。唐寅。鈴印二。唐寅。
唐伯虎第五。唐寅水墨畫截壁垂松。崖巔跌

坐自題。盤空石壁雲難度。古木蒼藤不計年。
最是道人孤坐處。一湖斜日破晴烟。款。唐寅。
鈴印二。吳趨唐伯虎。

御筆分題行書

獨坐屈屨愛嘉蔭。持竿心正手還平。數來漁隱
難屈指。何必其間辨姓名。溪樓一碧臨萬頃。
吟倚幽人好是閒。橫笛不教持在手。別開生面
渭南間。松樹增青襟樹稀。秋風不礙芰荷衣。

輕舟碧水殷勤望。遠岫白雲自在歸。不獻相
如封禪篇。樂飢高致自怡然。長松斜倚書在手。
醒便讀之困便眠。日長山靜謝賓客。孤坐偏
宜度小年。却不耐閒聊騁目。峯頭靄靄蔚輕煙。
辛丑仲春御題。每幅分鈐寶。意在筆先。搗藻
為春。清心抒妙理。煙雲無盡藏。書史研求。遵古
訓。稽古愛民。觀書為樂。新藻發春妍。古稀天子
之寶。猶日孜孜。

鑒藏寶璽

全八璽

明宣宗憲宗三鼠圖 一卷

本幅四幅。宣宗憲宗各二。第一素牋本。縱八寸七分。橫一尺二寸。淺設色。畫竹外蒲桃石上鼠一款。宣德丁未御筆戲寫。鈐印一。廣德之寶。第二絹本。縱五寸。橫六寸。設色。畫菖蒲立石。下有金索鎖小鼠。方墩荔子。款宣德六年。御筆賜太監吳誠。鈐印一。武英殿寶。第三磁青紙本。圓式。徑九寸五分。設色。畫一鼠。墩

荔子第四。宋牋本憲宗題上云。累累果實委
塵垂。夜靜無端出沒時。意料狸奴踪跡少。肆
行竊嚙上新枝。御製成化甲辰仲秋吉日。鈐
印二萬幾清暇。廣運之寶。

鑒藏寶璽

收傳印記。希之。宗聲審定。

周砥宜興小景沈周銅官秋色合璧 一卷

〔本幅素牋本。二幅縱一尺。周砥畫橫一尺七寸。水墨畫山溪林屋。自題適意窮山水。覽物春時候。蘭薄迷烟。厚桐林仰雲逗。却立駐幽蹕。前臨縱遐觀。谷鳴始嚶嚶。川響復瀏瀏。衝森激高竹。晴曦艷寒溜。屋複翠羽戢。石觸金鱗皺。妙合理無遺。心怡興難究。逼仄緣石磴。岑堯陟雲構。豈惟廬霍期。攬此品嶠秀。素履

非行險。逸想寧冒詢。遙遙此中情。庶以謝紛
糅。於西澗過龍嵒途中瞻眺。去年春義興山
中所賦也。彥誠為呂秀才持此卷徵畫。因為
圖之。丙申四月周砥鈴印二。周履道氏。荆溜
室。

御題行書

西澗龍嵒不遠塗。偶過瞻眺遂成圖。尋常祇道
工詩客。誰識多能若此夫。鈴寶二。比德朗潤。

附前人題

山疊疊兮雲悠悠。林籬茅屋相鈞留。青泉白石有餘流。何日期與洪崖許。碧筠綠樹依微。南北村家。簾箔開柴門。平生不識。惟祖吏。明鑒年年教子孫。青篛樓釣者。鈴印一。磯深魚肥。泉香酒冽。西崦人家。遠市喧。山中雞犬似桃源。時平我。得成歸計。來卜西隣學灌園。柏林居士。鈴印二。是菴莫。惟恭氏。紫翠削芙蓉。飛泉掛玉龍。幾家仙洞口。常被白雲封。紫陽生。

沈周畫。縱同前。橫三尺六寸五分。水墨畫山水。自題。元珍嘗得周校書履道所作宜興小

景山水。余知校書之選學盛望。而未見其繪
事之妙。乃嘆賞前輩多能不器如此。元珍遂
割愛相贈。因寫銅官秋色圖答之。本桃之卑
甚可醜也。宏治己未人日。沈周鈐印一。啟南

御題行書

老筆得神已去情。望山亭子俯溪清。銅官設與
荆溪較。一例難爲弟及兄。鈐寶二。乾隆宸翰
幾暇臨池。

引首

御題行書

名流評識墨華香。珍弄當年道姓黃。此不知
更幾氏。笑他賞鑒落空忙。兩圖各題一絕句
並合題卷首。己丑仲夏下澣御筆鈴寶二。乾隆

後幅前人題跋

觀周履道義興山中西澗過龍嵒所賦詩。酷
肖柳柳州以詩意為圖。天真爛熳。脫畧局院
家常格。字畫規矩。東坡老人其高逸清絕。可
以想見太史公曰。可與知者道也。宏治十一

年春二月。昆山人黃雲在黃氏瞻雲樓題鈴印。

一。閩中今古。右山水小幅并五言選一首。為周啟履道氏。

筆。周執南。治孝常善。故父寓居荆溪。有荆南唱。

和集。此詩云義興山中作。而畫亦模寫荆溪。

風物。後題丙申四月。丙申為至正十六年。是

歲張士誠陷平江。正遇難時也。前輩稱履道

詩語不減晉唐。然未嘗言其能畫。而其畫之

存於人者亦甚少。若此紙亦僅僅見者。宜其

為石田翁賞也。宏治庚申。後學文壁題鈴

印。一文徵明印。繪意吟情滿紙張。妙於前輩見文章。義興秋

色銅官外。刊石誰能識不忘。後學沈周鈴印。

一。啟南。浮雲出沒吞遙岑。小軒日日葉秋陰。美人如

王不可見。黃葉自落空山深。桑悅題鈴印一。

紫暹烟昏晚色微。西風吹冷薜蘿衣。半溪落日照秋水。黃葉滿林人跡稀。王諷鈴印一。善

道。右周砥畫後。

吾友仲卿王君所蓄元周履道荆溪圖初為

君里中黃氏物。嘗持詣石田翁索題。感翁實

嘆弗置。遂留贈翁。因鈐官秋色為答。後聞其

父弟樂復歸馬。嗚呼。翁亦達哉。昔米元章見

蔡太保名帖。至以死要之。必得而後已。留連

一物。不已過乎。嘉靖癸未夏五月。端陽後一

日。友生王諷謹識。鈴印一。善道。

角溜生龍嘉小景。抵掌于久白石翁鈐官秋

色。則藍於蠟。璜矣。余嘗以九月遊陽羨。從二

九改陸趣。張公善權。於丹青雞肋。一二觀此

不覺恍然。如遇故友。當時翁欲以已畫作雁

媒不意併媒失之。應亦不快然。此二圖遂成
延津之合。信得失皆佳事也。弇山人王世貞
題鈴印一。貞元。余自癸未從梁谿道中見談氏攜黃子久畫
一卷。後復有沈徵君啟南摹子久筆意一卷。
遂成合璧。常徘徊歎賞。以為不可復得。今見
程維京氏所藏周履道及啟南二畫。乃知世
間奇物不少。有遇不遇耳。履道詩勝國時名
士多推之。惟繪事絕不識其神妙。若此。觀其
意匠墨采。彷彿荆關已上諸公。非近代所及
而沈先生以疎秀之氣。藏之使神物有光。忙
則延平異氣。復在斗牛之墟矣。甲申春日。雲
卿題於木蘭舟上。鈴印二。廷韓父。莫雲卿印。
周校書履道沈山人啟南畫宜興龍巖小景。
及銅官秋色各一幅。後多有名賢題詠。若桑
民懌。文徵仲。黃應龍輩。皆可寶者。今年夏以

半
子孫世昌。子子孫孫其永保之。文嘉西歌
會侯會侯之章。封耿會侯鑑定書畫之章。三
都尉之章。曹寅私印。棟亭賞鑒。桐村珍賞。舍
暉。半又一印不可識。

謹按周砥一幅。見書畫舫書畫彙考。砥字履
道。姑蘇人。洪武中以人才授興國州判官。見
書史彙要。輒中題者四人。皆別號。柏林居士。
莫飯字士安。後以字行。更字維恭。靜志居士。
話云。永樂中以助教治水江南。遂僑居無錫。
自稱柏林居士。又號是菴。載縣志。流寓今人。
罕有知者。觀此題款印亦一證。黃雲字應龍。
崑山人。官瑞州訓導。桑悅字民懌。常熟人。成

化乙酉舉人有思元集

文徵明書赤壁賦文從簡補圖 一卷

本幅二幅第一粉牋本縱七寸三分橫二尺

五寸八分楷書蘓軾赤壁賦見養心殿所藏御臨文

徵明畫前後赤壁賦卷嘉靖庚戌七月二十又五日客

有持伯虎所作赤壁圖示余因書徵明鈐印

一。文徵明印第二素牋本縱同前橫二尺六

寸八分淺設色畫赤壁夜遊意款曾王父楷

書赤壁賦前有子畏翁圖圖失而書存簡追

摹此紙前賢名蹟加於人數等何物小兒敢
為邯鄲之步多見其不知量也曾孫從簡百
拜書鈐印二從簡之印彥可

中隔水

御題行書

賦綠停雲壬戌秋圖成伯虎兩風流早遺唐蹟
曾孫補仍是宋年學士遊明月長江終不改筆
花墨雨此恒留何須自遜邯鄲步佳話一家更

孰傳。乙未新秋月御題鈴寶二。乾隆

鑒藏寶璽

全璽

叢雲墨雲。菊水月在手。寓意于物。

文徵明稷飲小圖羅文瑞蘭亭詩序合璧 一卷

本幅宣紙本縱四寸六分畫幅橫一尺九寸四分水墨畫蘭亭脩稷故事款長洲文徵明鈐印二徵明書幅一尺七寸五分羅文瑞書

蘭亭詩序

見乾清宮所藏具昌臨王羲之蘭亭詩序冊

御臨畫

右

軍蘭亭帖唐文皇鑒定為法書第一定武之刻已亡傳而南宋百家模勒之本未定孰優余得懶軒從兄為潘方伯仲子鈞摹入石榻

本嘗臨數過。偶欲試筆。而柔毫涇紙。猶蹇邯鄲之步。不堪覆瓿也。己丑季秋。範陽山樵羅文瑞識。鈐印二。羅文瑞印。百符。

後幅前人題跋

右軍作穆帖書。乃一時神來。後復更寫。卒不能逮。若唐宗而下。名賢摹此。往往求手矣。余刻意師法。然終莫能窺其藩籬。今觀伯符此本。得其渠度。運以心巧。不覺愜然自失也。乙丑冬日。題于練瀆舟次。吳興董嗣成。鈐印一。西方之人。

嘗閱周藩穆圖。縱橫錯落。摹擬萬狀。比見右軍定武刻。恍然如身列山陰。乃知藩圖為定

武刻傳神。今伯符筆畫深得右軍筆陣。則此圖又符此書而生色矣。吳龍周世登鈴印一。
飛卿。
伯符書備諸家法。每一捺管無不至奇其神。如所書醫無閭山。及青陽山二大功銘。直凌顏柳。彰彰著矣。余客金閨。而伯符與余遇于舟中。袖中出此卷示余。宛然定武真本。令人定千載而下。王先生尚存乎。索玩久之。率爾數行志賞。余嘗謂書之一事。其筆畫繁省一耳。工拙輒至無算。何哉。捉筆增減。宣城梅守和鈴印二。守和口孺。

引首稷飲小圖

書

八分 鈴印二 文徵明印 衡山

鑒藏寶璽

八璽

乾隆御賞內府珍玩懋勤殿鑑藏

寶

收傳印記子京墨林父

謹按王世貞弇州四部稿有題跋云少司馬梁公夢龍奉命攝師勅續於醫無閭山而歿士羅文瑞書之結法自清臣誠懸文瑞蓋徽州人在當時固大有書名也

韓道亨書李白蜀道難張宏補圖 一卷

本幅素綾本。縱一尺二分。書幅橫六尺七寸七分。草書。蜀道難。噫噓噓危乎高哉。蜀道之難。難於上青天。蠶叢及魚鳧。開國何茫然。爾來四萬八千歲。不與秦塞通人煙。西當太白有鳥道。可以橫絕峨眉巔。地崩山摧壯士死。然後天梯石棧相勾連。上有六龍回日之高標。下有衝波逆折之迴川。黃鵠之飛尚不

能過猿猱谷。度愁攀緣。青泥何盤盤。百步九
折縈巖巒。捫參歷井仰脅息。以手撫膺坐長
歎。問君西遊何當還。畏途巖巖不可攀。但見
悲鳥號古木。雄飛呼雌遶林間。又聞子規啼
夜月。愁空山。蜀道之難。難於上青天。使人聽
此凋朱顏。連峯去天不盈尺。枯松倒挂倚絕
壁。飛湍瀑流爭喧豗。砅崖轉石萬壑雷。其險
也如此。嗟爾遠道之人。胡為乎來哉。劍閣崢

噤而崔嵬。一夫當關。萬夫莫開。所守或匪親。
化為狼與豺。朝避猛虎。夕避長蛇。脫二錦城
雖云樂。不如早還家。蜀道之難。難於上青天。
側身西望長咨嗟。昔房琯杜甫仕蜀時。嚴
武為帥。與房杜齟齬。屢欲劫之。青蓮公作此
篇。託興於蜀道之險阻艱難。譏世道之反側。
人心之顛僻。深為房杜危也。萬曆癸丑菊月
既望。書於阜琴齋。韓道亨。鈴印二。韓道亨印。

穎泉。俠為知己用。貧不受人懽。漱石枕流。看
茶啜墨。畫幅橫三尺二寸。水墨畫高峯棧閣。
蟻附旅行。款天啟癸亥小春四日補圖。吳門
張宏鈐印二張宏之印君度氏。

鑒藏寶璽

八璽
全。

收傳印記與物俱萌。世事一杯中。

游似藏開皇刻蘭亭詩序一卷

本幅二十八行。縱八寸。橫二尺三寸。墨搨蘭

亭詩序。前接紙。前人題跋。

大德癸卯歲正月十一日。吳興趙孟頫得觀
於錢塘客舍。鈐印二。趙孟頫印。趙子俊氏。
聊城周馳景遠父觀。鈐印二。周馳私印。周景
遠氏。
癸卯上巳日。鄆人袁秉觀。鈐印二。袁秉。又一
印不可辨。
魯郡吾衍觀。鈐印一。子行書印。

後幅前人題跋。

右刻者題曰定武。余既歸鄉，以往歲鄧氏趙氏本校之，無分毫差。據此三本斷缺處與嬰之梅花蘭亭同。其異者，嬰本上下有界畫，而此則無爾。此當為開皇本，而彼再刻也。然此本精采晦昧，視鄧趙本大有逕庭云。鈐印一景仁。

二。延陵吳文貴敬觀。時大德壬寅七月也。鈐印吳文貴印和之。

右宋丞相游景仁所收禊帖，乃開皇本。非定武也。禊帖開皇時已刻石，唐文皇見石刻始求得真跡，令侍臣分募，而歐陽率更為勝刻之禁中。宋人所謂定武也。余以此本與趙子固所得姜白石唐搨本相對，神韻相似。此本剝落，而趙本不剝落，故知此刻在唐之前。又與柯九思陳直舛所藏唐石宋搨本相對，神韻相似。此本五字不損，而柯陳本五字剝損。

蓋知此刻在唐之前。景仁為開皇元本。是矣。
新者為定武。其失考也。余求問皇本有年。僅
見宋人翻刻。令之先生無意中得之。出以相
示。真可寶也。都門八十老人孫承澤題。鈐印
二。孫承澤印。八十翁。
昭陵繭紙。不可復覩。北宋所推。神龍定武而
已。至將景仁以宰執大臣。廣收石本。用甲乙排
次。自注所出。約百餘種。雖肥瘦完損不同。大都
發源定武。而神龍中微矣。近忽見此開皇本。
一時驚詫。亦物貴所罕耳。其實較率更所摹。最
能遠過也。此乃淳古堅厚。莊莊不露芒角。景仁定
為開皇原本。足稱神妙。今之先生。是晚有右
軍鬼者。方於神理間消息之。應笑白石延之聚
訟多事矣。浙西曹溶題。鈐印二。曹溶。鈕。萊翁。

鑒藏寶璽

八
金
璽

收傳印記。晉府書畫之印。晉府圖書。澄心堂。
趙孟林氏。文登子。谷陽。和光同塵。敬德堂圖。
書印。子孫永保用。龔理私印。龔子中氏玩秘。
翰墨清賞。冰壺秋月。神遊八極。式古堂書畫。
印。卞令之鑒定。令之清玩。卞永譽印。令之長。
白。卞子令公。子孫保之。仙容。

謹按是蹟見書畫彙考。庚子銷夏記。游似字。
景仁。南元人。理宗淳祐朝。右丞相。周馳。字景。
遠。郡城人。官燕南廣訪司。簽事。以能書名。未。
哀。字德平。鄞縣人。梅之族。見清容集。吾衍。字。

子行。太末人。家錢塘。著周秦刻石音釋。學古
編。篆籀之學。至宋季散絕。子行始倡其說。以
復於古。而吳興趙文敏實和之。見王禕忠文
公集。

唐搨顏真卿麻姑仙壇記一卷

本幅四十六行縱五寸九分橫一尺一寸八分。墨搨顏真卿麻姑仙壇記。

後幅前人題跋

余從伯父時為天官冢宰有淮陽世家一少年獲罪法當死以年誼干焉請之當道遂得脫其少年持麻姑仙壇相贈跪而曰此帖傳之八葉矣非恩公身且烏有安得長守此哉知恩公不少珠玉金銀酒敬以獻從伯父愛而藏之一日手授不肖令母輕視也余養病靜室或避事獨居把玩一過不覺飄然即忘然時拂几開覽無不解頤此伴我身老友也

書識之。嘉靖乙巳端月人日。朱大韶觀鈴印。
二。清白堂印。文石朱象元氏。
此帖為文石先生所珍賞。邑人每每道之。如
雷刮耳。今得熟覽於雅好齊頭與之朝夕。誠
三生厚幸也。汝和顧從義鈴印一。顧從義印。
魯公書以行書為最。楷次之。今碑刻所傳中
興家廟。東方生篆贊。皆兼分隸之法。於二王
獨為敵國。此麻姑仙壇記。即家廟碑縮為蛇
頭。雖有繩削痕。要以自成一家。前後際所謂
魯公本色書也。宋榻已如星鳳。况唐刻完好
如此。真世之罕物。董其昌觀。因題。鈴印一。知
制誥日講官。

鑒藏寶璽

八璽

懋勤殿鑒定

謹按朱大韶。字象元。號文石。上海人。官司業。

宋絳絲繡線合璧 一冊

本幅六幅第一幅方式縱七寸二分橫七寸

五分絳絲牡丹印一朱克柔對幅張習志跋

絳絲作盛於唐貞觀開元間。人主崇尚文雅。書畫皆以之為標幟。今所謂包首錦者是也。宋仍之。靖康之難。多淪於民間。好事者見。彩絢爛。續縹精織。雖繪事所不逮。遂緝成卷。冊以供清翫。元人尤工之。有裁為木案者。我聖祖見其似作溫巧。始禁之。而人間乃為罕物矣。此幅方尺餘。其體表皆織細。猶引車織。絲具五彩。游綴委曲。出乎天巧。其絨工之良哉。定為宋製無疑已。練川劉廷器獲而裝潢成卷。奚但供覽正以思古人不可得而見見。

其製作猶之見古人也其好古道類此可嘉
用書而歸之宏治柔兆執徐如月朏吳門張

習志。鈴印。

第二幅方式縱八寸七分橫八寸

二分繡海棠白頭翁無名款第三幅方式縱

八寸橫如之緯然山茶印一朱克柔對幅文

從簡跋朱克柔雲間人字思陵時以女紅行

高一時流傳至今尤成罕購此尺幀古澹清

雅有勝國諸名家風韻洗去脂粉至其運絲

如運筆是絕技非今人所得夢見也宜寶之

雁門文從簡畫鈐印二從簡之印字彥可

第四幅縱七寸八分橫八寸五分橢圓式繡

瑤臺跨鶴第五幅縱八寸橫如之。緙絲茶花模御書。款印。第六幅方式縱八寸五分橫八寸六分。繡梅竹鸚鵡。無名款。

監藏寶璽

收傳印記。姜氏二酉家藏。張鑑。蒲坂楊氏家藏。桂坡安國鑑賞。令之清玩。

沈子蕃緙絲梅鵲一軸

〔本幅〕縱三尺一寸。橫一尺一寸二分。緙絲梅
兩枝作花幹。棲雙鵲。款沈氏。篆印一。子蕃。

鑑藏寶璽

八璽

宋絳繡開泰圖 一軸

本幅縱六尺八寸橫二尺絳絲加繡童子騎羊二童子侍計羊九無名款

鑒藏寶璽

全璽

取傳印記臣懷堂口書畫印記

宋緙絲趙昌竹梅雙喜圖 一軸

本幅縱三尺橫一尺三寸緙絲竹枝梅花長

春雙鵲摹款竹梅雙喜圖 八分書 趙昌製摹印

二趙昌天水

鑒藏寶璽 八璽

宋緙絲春光長壽一軸

本幅縱一尺六寸。橫一尺一寸二分。緙絲茶
花一枝。上棲綬帶鳥一。無名款。

鑑藏寶璽

宋緙絲荷花一軸

本幅縱二尺八寸。橫一尺九寸。緙絲出水芙蓉。無名款。

鑑藏寶圖

全

宋緯然山水一軸

〔本幅〕縱二尺八寸。橫一尺一寸。緙絲遠山白雲。漁舟板釣。茅亭內一人觀書。無名款。

〔聚巖寶壘〕

〔全壘〕

〔收傳印記〕蒼巖蕉林居士

宋繡菊花簾二軸

木幅二幅。每幅縱四尺六寸五分。橫二尺。繡盆中菊花。旁列瓶雜卉。無名款。

鑒藏寶璽八